


ფასი 30 კპ.



№ 3

წელიწადი მესამე.

სსსპრეპა

ორკვირული სამეცნიერო, სალიტერატურო და საპოლიტიკო ჟურნალი.

ფინანსი.



I ქ ნიკოლოზ ალექსანდრეს ძე ტარსაიძე. 2. ქართველი ძეგლის წინ, აკაკისა. 3. ამაოება. აკაკისა. 4. ჩემს კალამს, აკაკისა. 5. შეყვარებული დემონი და მტირალი ანგელოზი, აკაკისა. 6. უკანასკნელი, აკაკისა. 7. გულის პასუხი, აკაკისა. 8. მოგონება, სერგ, ბახტაძისა. 9. სის ედემი, მინა რა-ქველისა. 10. ვიტორიო, თუ ვისინოთ, ილია ბახტაძისა (ილ. ხონელი). 11. იმე! აკაკისა. 12. ქართული ფრესკები, გერონტი ქიქოძისა. 13. ჩემი ბრალია, ჩემი, ა. ხაბულიანისა. 14. სხვა და სხვა ამბავი. 15. აჭარლები და „აჩიკ სოზი“, ივ. გომართელისა. 16. ქართველების და თურქების ურთიერთობა. 17. ქრისტიანი ქართველები ოსმალეთში. 18. დე'უტატი აკაკი ჩხენკელის ავთმყოფობის გამო, პლ. ოხრობეთელისა. 19. რედაქციისგან

თებერვალი 1917 წ.

მთაბისი

სტამბა „მობა“, პუშკინის ქ., სახლი იაკობ გოკიელითისა.

სსოფრმზბ

№ 3.

1 თებერვალი
1917 წ.

ორკვირული საბოლივიკო, სალიცერაქურო და სამეცნიერო ჟურნალი.

† ნიკოლოზ ალექსანდრეს ძე ტარსა-ნიძე.

განსვენებული ნიკოლოზ ალექსანდრეს ძე ტარსაიძე დაიბადა გორის მაზრის, სოფ. ბერშუეთში, 1855 წელს, ღვინობისთვის 10 ს. მამა ვისი, ჩამომავლობით აზნაური, სამო-სამართლო უწყებაში მსახურობდა.

პატარა კოლა, 9 წლისა რო შესრულდა, თავის (აწ განსვენებულ, ცნობილ თვალის მკურნალთან) ძმა — გიგოსთან (გიორგისთან) ერთად, თფილისის პირველ გიმნაზიაში მიცეს, საცა კურსი დაამთავრა 1875 წელს და ძმას თანვე ერთად გაემგზავრა ხარკოვის უნივერ-სიტეტში. იქ ერთ-ერთ საუკეთესო სტუდენ-ტათ ითვლებოდა იგი.

უნივერსიტეტის საიურიდიო ფაკულტეტი განსვენებულმა დაამთავრა 1876 წელს, რის შემდეგ, გამწესებულ იქნა სამსახურში ეკატ-ერინოდარის საოლქო სასამართლოში. 1880 წელს განსვენებული დაინიშნა გამომძიებლის თანამდებობის აღმასრულებლათ 1885 წელს, ამავე თანამდებობაზე გადაყვანილ იქნა სტავ-როპოლის საოლქო სასამართლოს რაიონში. 1891 წ. დაინიშნა სტავროპოლისე საოლქო სასამართლოს ბრალდებლის თანაშემწეთ. *) 1895 წელს, ამავე თანამდებობაზე გადმოყვა-

*) 1894 წ. ივლისში, მე და აგრანომა თავ. ივანე ზაქარიას ძე ანდრონიკაშვილმა ნიკოლოზ ალექ-სანდრეს ძე პრასკოვეიაში (სტავროპოლის გუბ.) გავი-ცანით. იგი მოვიდა ჩვენთან და თელი ორი დღე ჩვენთან დარჩა, არა გვშორდებოდა და დიდი კეთილ შობილი ქართველი კაცის ჩაბუქდილებაც მოახდინა ჩვენზე. ასეთივე იშვიათი გულის და ტალანტის პატრ-ონი იყო ნიკოს ძმა — გიგოც, გამოჩენილი თკულისტი თელ კავკასიაში, რომელმაც მე მიხსნა დაბრძალებისგან.

ეს ორი ძმა უფრო ამერიკელები იყვნენ, ვიდრე ქართველები და მათი უანგარობით ვაოცებულიც ვი-ყავი. რა იქნებოდა ჩენი საქართველო, რომ ასეთი შვილები ბევრი ეზდებოდეს მას.

რომანოზ ფანცხავა.

ნილ იქნა თფილისის საოლქო სასამართლოში. 1901 წლის, აპრილის 24-ს, ნიკ. ალ — ძე დანიშ-ნეს თფილისის საოლქო სასამართლოს წევრათ და ამ თანამდებობას დღემდე ასრულებდა.

განსვენებული ცნობილი იყო, როგორც მიუდგომელი მსაჯული, გულწრფელი და სათ-ნო აღამიანი, იშვიათი პატიოსნების პატრონი. მტკიცეთ და გაბედულათ იცავდა ყველგან და ყოველთვის თავისს რწმენას. ამიტომაც იყო, რო ყველა, ვისთანც მას საქმე ქონდა, იშვია-თი სიყვარულით და პატივისცემით ეკიდებოდა. სხვათა შორს, ნიკ. ალ — ძე იმითი იყო ცნობილი, რომ არ ერიდებოდა სასამა-რთლოში საქმის ქართულათ წარმოებას, თვისი თავმჯდომარობის დროს, კრებას ქარ-თულათ აწარმოებდა: ქართულათ ეკითხებოდა მოწმეებს, ქართულათ ჯავრობდა, ქართულათ ოხუნჯობდა...

განსვენებულს ქართველი საზოგადოება სხვა მხრითაც იცნობდა. იგი ერთ ხანს ქარ-თულ დრამატულ საზოგადოების თავმჯდომა-რის ამხანაგათ (და დროებით თანამდებობის აღმასრულებლათაც) იყო და ეს ხანა ერთ-ერთი საუკეთესო ხანა იყო ამ საზოგადოების ცხოვრებაში. მას შემდეგაც, რაც გამგე-ობის წევრობას თავი გაანება, განსვენ-ებული გულმხურვალეთ ეკიდებოდა დრამა-ტულ საზოგადოების საქმეებს, მონაწილობას იღებდა საპენსიო წესდების შემუშავებაში და სხ. ბოლო დროს, ნიკ. ალ — ძემ ზოგიერთ ქართულ გალობის მცოდნეებთან ერთად, გონიზრახა დიდი ქართულ მგალობელთა გუნდის შედგენა და შესაფერის წესდების შემუშავება-საც შეუდგა...

სიკვდილმა ხელი შეუშალა ამ განზრახვას. ნიკ. ალ. — ძე გარდაიცვალა იანვრის ათს, ქ. განჯაში.

მიცვალეულის ცხედარი სალამოს მატა-რებლით მოასვენეს თფილისში და იქვე დაასა-ფლავეს.



სსმსრე

სსმსრე
სსმსრე
სსმსრე

სსმსრე

სსმსრე

სსმსრე

ამაოება.

შედარებით, თუ არა,
კაცი ყველა ერთია,
არც დიდი, არც პატარა...
დიდი მხოლოდ ღმერთია.

შენ მე მჯობნი, მე იმას
და მე კიდევ-სხვა ვინმე;
ის მაღლაა, ეს დაბლა,
ხან უკანვარ, ხან წინ-მე.

ბრუნავს ჩარხი ცხოვრების,
ხან უკულმა, ხან წალმა;
დღეს სხვა ვართ და ხვალ სულ სხვა,
ხან ბატონი და ხანყმა.

ხან ისე ვართ, ხან ასე,
ხან კარგათ, ხან ავათა,
ვერც ვტირით, ვერც ვიცინით
ჩვენით, ჩვენდა თავათა!

მაშ, რაღა გვადიდებებს,
თუ არა გვაბადია?

გარდა შემომქმედისა
ყველა ცვალებადია!..

ვთქვათ, საფსონ ძლიერი ვართ,
დღეს სიცოცხლით აღვსილი,
გვიკბენს პატარა მწერი, —
გავკრებით, ვით აჩდილი.

ანსოლომონ ბძენი ვართ,
ქვეყნათ სწორ-უბოვარი;
ერთი სულის შებერვით
ქრება ჩვენი ლამპარი.

დღეს რო შევნიერებით
ოასებს ვედარებით,
ხვალ, ეგებ, სანახავაო
მტერსაც შევეზარებით.

უცვლელი, საუკუნო
ქვეყნათ არაფერია!
ბედის წიგნში განგებას
ასე ჩაუწერია.

1903 წ.

ჩემს კალამს.

კალამო სანადევლ-თაფლო,
ჩემო მახვილო და ფარო!
სასაიდუმლო გულისა,
ხან თქვი! — ხან უნდა დაფარო

ის, რაც ჩემ გძნობა-გონებას,
შეუთხზავს, შეუწონია
და, რაც ხან-და-ხან გარეშეს,
ოცობოღია გონია!

კალამო, სხვისგან მოძღვნილო,
და ძმობის საწინდარი ხარ!

ბევრს ეუბნები ამ ჩემ გულს,
თუმც-კი უსულო... მკვდარი ხარ.

ოქროს წყალში ხარ ნაბანი,
ში გ გულათ ჩასმულ თვლებითა...

თილისმურ ძალით გონების
და გძნობის ამალღებითა.

ორგულო, მარა ერთგულო,
კალამო, მახვილ-კვერთხოვო!
თან უნდა ჩამყვე საფლაეში,
სოფელს რო გამოვეთხოვო!

აკაკი.

**შეხვარებული დემონი და მძირალი ან-
გელოზი.**

I

თუ არ მაცდუნებს ოცნების სიტკბო
და, რაც მგონია, ის მართალია,
ვინ არ იწამოს, რო სიყვარული
სააღმაფრენო „ძალთა-ძალია?“

მე ურჩი ზეცის და ანგელოზთა,
მეტოქი ძალი, შეუბოვარი,
ვითვალის-წინებ მიწისშვილს უფლათ,
როგორც მსახური და მათხოვარი.

მისთვის უძღვნია ცა და ქვეყანას,
რაც საგვირგვინო რამ-კი ქონია
და, რაც მომაკვდავს სხვას აქამომდი,
მხოლოთ სახელით ვაუგონია.

მთიებთა შუქი, ენა ბულბულის,
ვარდის ელ-ფერი და სუნნელება
შეუთხზავს ერთად და მოუქარავს
ზედ სიყვარული და განახლება.

ვხედავ და, როგორც ერთხელ პირველ ქმნის,
ისევ მეღება სამოთხის კარი!..
და უცნაური ვინ არს ეს ძალი?
სიყვარულია წმიდა!.. თამარი!

II

ნათლის სვეტზე, სხივის კიბით,
ციურ მადლით მომდიმარე,
გადმოეშვა ანგელოზი
შუქ-მომფენი, ფთებ-ელვარე.

დაინახა ქვეყნის ტანჯვა,
მწარე კენესა მოისმინა;

თანაგძნობის სიბრაღულმა
აიტანა... მოიწყინა.

თქვა: უფალო! ეს ქვეყანა
თვით უბიწოს წილ ხვედრია;
შენ მმოსავს და მავედრებელს
ცრემლიც ბევრი დაუღვრია.

სასოებათ და ნუგეშათ
გულში ეღვათ წმიდა მცნება;
დღეს-კი ხელში შერჩენია
მხოლოთ ლანდი და ოცნება.

მეუფეო: მე ცრემლივს ვღვრი
და ხარხარებს ბელზებელი;
მასთან ერთად მხიარულობს
თვით იუდა გამცემელი.

ვინც შენივე სახელითა
აბნელებს და ბილწავს ნათელს,
სასოებას უკარგავს ერს,
ტკბილში ურევს შხამს და ნაღველს.

ორთა-ერთა მოლაღატე
გაიძვერობს ზეცის მტერი?
ოჰ, უფალო, განსაცთლისგან,
ვით ჰირისგან, იხსენ ყრი!...

უკანასკნელი.

თურმე, მყოლია მეც მეგობრები,
მე-კი ფვიქრობდი შეცდომით სულ სხვას!
სიკვდილის წინათ მათმა მოქცევამ
ფთები შეკვეცა წინა განზრახვას.

ეს დებეშები, ეს წერილები,
გუნდი მნახველთა აღელვებული,
ყველა მიმტკიცებს, რომ სასიკვდილოთ
არ ვარ ჯერ კიდევ გამეტებული...

მარა, რაღა დროს?! ძველი ანდაზა
შეფერის მხოლოთ ჩემსა საფლავსა:

მოლა შიმშილით მოკლეს და, შემდეგ,
პირში აყრიდენ მუჭ-მუჭა ფლავსა.

რაღა ვარ ახლა! მის მესადეი,
რაც რომ ვიყავი... მეტი აღარა,
და ძველებურათ რომ გამოავბრუნდე—
მაზე-კი უარს ამბობს ჰალრა!

ცალ-თვალი, ცალიც გაფუჭებული,
რაც არ შეშვენის უზიანო თვალს!..
მარა უთვალოც კარგადა ვხედავ,
როგორც ჩვენს წარსულს, ისე მომავალს...

ღიახ, მომავალს სულ სხვანაირათ,
თავისუფლებით აღყვავებულსა,
რაც რომ აწმყოში მენატრებოდა
და ეკლათ ესვა ჩემ დამწვარ გულსა...

მე კი... მშვიდობით... ჩვენ წინაპრებთან
მიჯდევარ მეცა განსასვენებლათ,
და ხინჯათ გულში მიმყვება მხოლოთ,
რო ვერ გავმხდარვარ სამშობლოს სხვერპლათ...
აკაკი.

1904 წ. 7 დეკემბერი. თფილისი.

გულის პასუხი.

მე შენ მიყვარდი ციური გძნობით,
აკაკი. ვით ჰოეზია, როგორც ღვთაება,
და შენ თვალეში მესატებოდა
სასუფეველი და უკვდავება!

ჰირში, თუ ლხინში, ფხიზლათ, თუ ძილში
მცველ-ანგელოზათ მეღანდებოდი
და, ვით ხატის წინ, წმინდა სანთელი,
უბიწო სხვერპლათ შენ წინ ვდნებოდი.

უხმო-უსიტყვო გძნობათა ლოცვა,
საანგელოზოთ, რომ ენთებოდა,
ციურ მანანათ, ნუგეშის ცრემლათ
უჩინრათ გულსვე ეწვეთებოდა.

მარა ჯოჯოხეთს და ბოროტ სულებს
არ ისვენებდა ციური ძალა

და უკვდავების წმიდა წყაროში
ჩააწვეთწვეთეს შხამი... სამსალა!

შენც შევარყიეს... უსამართლობამ
ულმართოდ გააქრო ტრფობის ლამპარი
და მაშინ ბნელში დავრჩი მეც ობლათ
უსულ-გულოცა და ცოცხალ-მკვდარი.

აკაკი.

მოგონება.*)

შესრულდა ორი წელიწადი მას შემდეგ,
რაც ჩვენ სამუდამოთ გამოვეთხოვეთ ჩვენ სი-
ამაყეს-აკაკის.

ჩვენთვის აკაკი დაუფიწყარია, ის საქარ-
თველოს ცოცხალი გულისთქმია.

ვინც დაკვირვებია აკაკის, არ შეიძლება
არ შეენიშნა, რო ყოველგან, სადაც ის გამო-
ჩნდებოდა, მას შექონდა თვისი ძლიერათ
მჭრელი, მახვილი, ორჭოფათ გამომეტყველი
ენით, დიდი სიტხველედ და მხიარულება. მა-
რა აკაკის მხიარულებას და სიმახვილეს თან
ახლდა სევდა. ის არ იყო სანეტარო მხიარუ-
ლება... აკაკის სიმახვილეში, მის ღიმილში,
ხშირათ, ძალიან ხშირათაც, უმეტეს შემთხვე-
ვაში, მეტი იყო დიდათ დამაფიქრებელი და
სატირალი, ვიდრე სამხიარულო. მგოსანი მუ-
დამ და განუწყვეტლათ საქართველოს ღრმა
ჭირ-ვარამის მატარებელი იყო. მეტს ვიტყვი
და, მგონია, უკეთაც დავახსიანებ მის სუ-
ლის-კვეთებას. ის იყო თელი თვისი დიადი
არსებით და სულიერი მდგომარეობით ნამ-
დვილი, რო ვთქვათ ჩვენებურათ, თმა გაშლი-
ლი საქართველოს ჭირისუფალი. ყოველთვის
და ყოველგან ერთი დედა აზრით იყო გა-
მკვალული და მარტო იმაზე ფიქრობდა, თუ
რა მოელის მომავალში მის დაობლებულ სამ-
შობლოს...

მისი ჩანგის დიდ სევდიან კვნესას საზღვა
რი არ უჩნდა...

ეს მოტივი უმთავრესი მოტივი იყო თე-
ლი მისი სულიერი მდგომარეობისა, კერძო
მისი არსებითი ინტერესებიც-კი მივიწყებული
ქონდა მას, ცოლი და შვილიც, თუ შეახსე-
ნებდნენ თავს, თორე ისინიც მივიწყებული
იყვნენ მისგან.

დღეს რო უკან, მოვიხედოთ გადავხედოთ.

*) ჩემი მოგონება აკაკიზე, უადგილობის გამო, ახ-
ლაცვრ ისტამბულა. ხომალელი.

აკაკის გავლილ ცხოვრებას, რა წარმოგვიდ-
გება თვალის წინ!

ამ დიდი ოჯახიშვილს უბრალო მუდმივი
ბინაც-კი არ ქონდა, თითქო ამ წუთისოფ-
ლის ავლა-დიდება მის ყურათლებას არ იქცე-
და. იქამდი მიდიოდა მისი გატაცება უმთავრე-
სი მოტივით, რო თითქო ამ ცოდვილ ქვეყა-
ნაზე ის განგებისგან მოველინა საქართველოს,
დიდი გაჭირების დროს, აღვიძებდა მას, უნე-
რგავდა საშერმისო იმედებს, ათვითცნობიერებ-
და მას, და მით შეასრულა თვისი დიდი და-
ნიშნულება და წავიდა ვალგადახდილი ავით
წინაპრებთან.

აკაკი საქართველოს ცაზე სხივ-მომდინარე
უძლიერესი მოკიაფე ვარსკვლავია. დროთ-
სვლით, ამ მნათობის სხივი თანდათან გაძლიე-
რდება, გაიშლება და სამშობლოს შემოქმედო
ბის და არსებობის ძალათ ვადაიქცევა.

საოცარი იყო აკაკი, როცა შემოქმედო-
ბის აღმურში იყო გახვეული. იგი მაშინ ზე-
ციერი იყო. პატარა ლექსებს ისე წერდა,
როგორც იწერება მოკითხვის კერძო წეროლე-
ბი--ერთი მიჯდომით მაგიდასთან. როგორც
არა ერთხელ უთქვამს, ლექსი, რითმა მისთ-
ვის საფიქრებელი არ იყო. თუ აზრი, იდეა
მომივიდა თავში, რითმა თავისთავათ მოდისო,
ამბობდა. და მართლაც, ძვირათ მინახავს, რო
მას სიტყვა და, მით უფრო, წინადადება, თე-
სი დაწერილი, შეეცვალოს, გადაესწორებოს.
ამ შემთხვევაში, აკაკი სიტყვის დიადი საოცა-
რი ხელოვანი იყო..

მახსოვს, ღრამა „ვორონცოვი“ განიზრა-
ხა დაეწერა. ამ აზრს რამდენიმე დღე ატარებ-
და გადუწყვეტლათ იმისა, თუ როგორ დაე-
წერა? შემდეგ, გადაწყვეტილათ მითხრა, რო
დაწერს პროზათ.

იმ დროს აკაკი ჩემთან ცხოვრობდა, ქუ-
თაისში. ისეთი ხალისით, ქაბუკური გატაცებით
შეუდგა ამ ღრამის მოქმედი ტიპების დამუ-
შავებას, მათი სახეთა და მოქმედების ჩამოყა-
ლიბებას, რო გეგონებოდათ ახლო პირველათ
იგემა მწერლობის დიდი სიტყვებაო. ყოველ
დღე პიესის მოქმედ პირებზე ქონდა ლაპარა-
კი, სადილზე, თუ საღამოს ჩაიზე. როდესაც-კი
შეხვედებოდით, დიმიტრი ყიფიანი, გრიგოლ
ორბელიანი, ვახტანგ ორბელიანი, გიორგი ერი-
სთავი, ორბელიანის ქალი და სხ. განუშორე-
ბელ მის საზოგადოებას შეადგენდნენ, სულ მა-
თზე ქონდა საუბარი.

გავიდა არა უმეტეს ერთი კვირისა, აკა-

კიმ გამომიცხადა, რომ მან უკვე დაწერა „ორი მოქმედება ხსენებულ დრამისა. მე გაიკვირე და თან ვთხოვე, ეჩვეება იგი. გაიცინა და ღიმილით მითხრა: განა გგონია, რომ ქალაღზე დავწერე?

—მოფიქრებული მაქვს, მინდა მხოლოდ დრო და მოცალეობა, რომ ქალაღზე გადავტანო... გავიდა პატარა ხანი და აკაკიმ გადაწყვიტა შეეცვალა თვისი თხზულების ფორმა, ე. ი., მიეტოვებია პროზით წერა და ლექსათ დაეწერა პოემა. ეს გადაწყვეტილება ბეჯითი იყო.

ჩემ შეკითხვაზე, რისთვის შეცვალა წინანდელი გადაწყვეტილება, მომიგო: არის იმისანა ადგილები, სადაც პოეტის აღმაფრენას თავისუფლება უნდა მიეცეს, მასთან ჩემთვის ლექსათ დაწერა უფრო სახელდახელო და სახალისოც არისო.

სანამ სულ არ დაასრულა ფიქრი და ზრუნვა ამ თხზულების შესახებ, შეატყობდით, რომ ეს კაცი ერთი მიზნით იყო ღრმით გამქვალული და, თუკი დროს გინახავდა, ჩამოაგდებდა ბაასს ვორონცოვის დროის შესახებ და მაშინდელ საქართველოს ვითარებაზე, თითქო ის ცხოვრობდა იმ დროინდელ ჩვენ წარწინებულ მოღვაწეთა შორის, ცოცხლათ ქონდა თავის წაროდგენაში აღდგენილი ჩვენი წარსული... მე, როდესაც შევნიშნე აკაკის ეს შემოქმედობითი დიდი სიცხოველე და მღელვარება, ვცდილობდი მიმეცა მისთვის სრული თავისუფლება და უზრუნველყოფა... ის მაშინ ბედნიერი იყო... გაშლილი იყო მისთვის საოცნებო მოედანი. ეს სულ სხვა აკაკი იყო, მოცილებული ბიწიერ წუთი-სოფლის ზრახვას, შემოქმედობის აღმურში სულ ერთიანა გახვეული, ის წარმოვიდგებოდათ დიდებულ მლოცველ ჭირისუფლათ წამდგარი თვისი წმიდა სამლოცველოში, სადაც „მისი ხატი იყო სამშობლო, სახატე თელი ქვეყანა“... — პოემის „ვორონცოვის“ შექმნა ეკუთვნის, როგორც მაგონდება, 1908 წელს,

*) საღამოობით, უსათუოდ, კლუბში უნდა წასულიყო. გვიან (4-5 საათზე, დილით) ბრუნდებოდა, პირველ საათამდის ეძინა და, მართლაც, რომ ამისანა დიდი თხზულებისთვის ვერ მოულოდბდა დროს.

აგტ.

აკაკის პარიზის გამგზავრების წინა დროს.

წარმოიდგინეთ, „დაწერილი“ ქონდა ეს პოემა, როგორც თვით ამბობდა, მარა ქალაღზე არ ქონდა გადატანილი „დროს უქონლობის გამო.“*)

იშოვა დრო ქალაღზე გადასატანათ მხოლოდ პარიზში და ისიც შემთხვევით. ავით შეიქნა და მკურნალებს აეკძალათ ავითმყოფისთვის გართ გამოსვლა, რასაც მწერს იქიდან. აი, იმისი წერილიც:

„საყვარელო ძმაო და მეგობარო, სერგო! ძალიან ვუხვდარ, რომ ვერ გამოგთხოვე წამოსვლის დროს; მით უფრო, რომ არ ვიცო, როდის დაებრუნდები, და ან სულ დაებრუნდები, თუ არა? წამოველ პარახოდით, ჩაეუარე სათათრეთს, საბერძნეთს, იტალიას და ზღვით მოვედი მარსელში. იქიდან ჩამოველ პარიზში დამასუკან აქა ვარ... ჯერ ოთახიდან არ გამოსულვარ... ავით ვარ და მკურნალი დადის. ისე მოწყენილი ვარ, რომ ლამის გავვიყდე. მარა წერას ვაყოლებ გულს. გინდ ოთხ-ხუთ წელიწადსაც ვერ დავწერდი იმდენს, რაც აქ ამ ერთ თვეში დავწერე: 1) პოემა: „ვორონცოვი“, 2) სტატიები: „ჩვენ და სომხები“, „როგორ დაარსდენ ჩვენი ბანკები და უკანასკნელი კრებანი“, „ტრაპიზონი.“ და ერთიც მოთხრობა „ნამდვილი ამ აფი ახალმოდრობიდან“. ისე ვაცხობ, როგორც ელისე, მქაღს*.) მარა ყველა ამ ჩემ ნაწერებს ელისეს გამომცხვარ ერთ მქაღში-კი გავცვლიდი, რომ ვინმე მომცემდეს. მარა სად არი? მართლა რომ, მომიწელა ფრანგულმა საქმელებმა: ვედარ გამირჩევია, ძროხის ხორცია, თუ ძაღლის? წიწილი, თუ ბაყაყი?... სხვა რა მოგწერო? ამბობენ, პარიზი კარგიაო! მარა მე ვერა შევატყუერა! ალბათ, ჩემი სიბერის ბრალია!...

გულით შენი მოყვარული

აკაკი.

1909

ამ წერილით გავიგე, რომ პოემა „ვორონცოვი“ აკაკის გადაეტანა ქალაღზე და ვინ იცის? პარიზში რომ არ ყოფილიყო და ავით არ გამხდარიყო, შეიძლება, კიდევ ეტარებია პოეტს ეს პოემა თავის წარმოდგენაში, ქალაღზე გადატანელი.

სერგ. ბახტაძე.

*) ელისე—ჩემი მსახურია, რომლის გამომცხვარ მქაღს, პოეტი აღტაცებაში მოყავდა.

აგტ.

ცის ედემი.

(აქაიის გარდ. 2 წლის თავის აღს.)

მოგონების დაქრის სიო,
სივრცე მწუხრით იბურება;
შავ ძაძებში კენესის მთები,
მდელიო კრემლათ იწურება.
გულ ამოსკვნით მოთქვამს ერი:
„მოკვდა, გაქრა ის სულ მნათი,
ვინც გვიმღერდა შვების ჰანგებს,
ბნელში მოგვცა გასანათი!“...

ძინავს ცის ზღვას, ძინავს ტალღას,
ცის იერზე შეგუბებულს,
კმუნვარების ნისლით მოსილს,
გულის ცემა შეყენებულს;
ძინავს-გლოვის მწარე ძილით,
სევდა უფლობს, კენესის, ცივა,
უსიცოცხლო ცის ცივ ქვაგულს
მარგალიტის კრემლი ცივა!..

ცის იერთა უქკნობ ედემს—
ცოდვის ხელით მიუწლომელს,
მარათ ფურჩქნილ-აყვავებულს
სიხალისე-ჩაუქრობელს,
ტკბილ შადრევის თქეფა-თქრიალს,
შვების წყარო-დაუშრობელს;
მნათ-ხელთ უქმნელ სულის ტაძარს—
ვარსკვლავებით აშენებულს...

მარგალიტით ნაქსოვ კანდელს,
სიყვარულით გაბწყინებულს.
მზის ოქროს ფერ სხივთა სვეტით,
ცის ტატნობზე მიკიდებულს,
ვერა უფლობს გლოვის ჰანგი,
ვერვის პოვებთ კრემლსა ღვრიდეს:
დრო ვერა შლის მწუხრით ნაქსოვ,
სვედით ნაქარგ შავ ბნელ რიდეს...

იქ არ ესმით, რა არს კენესა!..
თუ იქ ბრუნავს ცოდვის ხელი,
თუ იქ ცოცხლობს წუთიერათ,
ცის ნახსლექტი ხორციელი!..
რათ იქცევა ტანჯვის კრემლი,

სათ, რათ სუფევს თვით სიკვდილი?...
რისთვის გმინავს მწარე ბედ ქვეშ
ხუნდ შეყრილი მიწის შეილი?...

მარათ ტკბილათ გაძახიან
ცის ანგელოზთ ურიცხვთ კრება:
„ვინც ბწყინავდა სათნოებით,
არ მომკვდარა, არც მოკვდება!“
მინა რაქველი.

ვიბიროთ, თუ ვიციროთ?*)

(წერილი პეტერბურდიდან)

მოგეხსენებათ, 1 მარტის უბედურების გამო,
პეტერბურლში შეიკრიბენ დეპუტაციები რუსე-
თის სხვა-და სხვა კუთხეებიდან.

ჩამოვიდენ ჩვენებიც, კავკასიიდან.

დეპუტატებმა აასრულეს თვისი პირდაპირი
დანიშნულება, თაყვანი ცეს მიცვალებული
ხელმწიფის გვამს, გამოუცხადეს მისს უდიდე-
ბულებობას ახალ ხელმწიფეს, თვისი ქვეშევრდ-
ომითი გძნობები და... დაფიქრდენ: რა
ექნათ ახლაო?.

შედგვი ამ დაფიქრებისა სულ სხვა-და-სხვა
გვარი გამოდგა და, აი, მეც ამაზე მინდა მოვე-
ლაშარაკო დღეს „დროების“ მკითხველებს.
გასაკუთრებით ყურათღებას ვთხოვ იმათ, ვინც
საქართველოს პატივცემულ თავადთა და აზნა-
ურთ წოდებას ეკუთვნის.

ყველა დეპუტაციებში ორმა მიიზიდა პეტე-
რბურდელი საზოგადოების გასაკუთრებით
ყურათღება: პოლონელებისამ და საქართვე-
ლოსამ. ეს გასაკვირალიც არ არის. ორივე
მხარე არ შეადგენს რუსეთის ბუნებით
ნაწილს, ორივესი პოლიტიკური მდგომარეობა
ახლა ერთი და იგივეა, ორივენი მოკლებულია
ნეტარ ხსენებულ მიცვალებულ იმპერატორის-
გან ნაბოძებ რეფორმებს და ორივეს, როგორც
მოგეხსენებათ, არ აწყენს ეს რეფორმები.

„თუ პირდაპირ არ ითხოვენ თავის ქვეყნის-
თვის რამესიკეთეს,—ამბობდენ პეტერბურლში,
ანიშნებენ მაინც, რაა სასარგებლო მათთვის
და რა მავნებელი! ეს მოლოდინი ასრულდა:

*) ილ. ხონელის სულ პირველათ დაწერილი ფელშ-
ტონი ეს არის. რედ.

ამ ორმა დეპუტაციამ არა თუ ანიშნეს, პირ-
და-პირ გააცხადეს: მე ესა და მე ესაა!..

პირველი ნაბიჯი ეკუთვნის პოლონეთის დეპუ-
ტაციას. ერთმა ამ დეპუტაციის წევრთაგ-
ანმა, გრაფმა ზამოისკიმ, მიართვა ხელმწიფე
იმპერატორს „პეტრია“, რომელშიაც თხოვდა
მისს იმპერატორებითი უდიდებულესობას
პოლონეთის ახლანდელი მდგომარეობის სხვა
და სხვა შესუბუქებას. გაზეთებში მოხსენებულია,
ეს პეტრია თხოულობს რეფორმების მინიჭებას
პოლონეთისთვის და, სხვათა შორის, ნაციო-
ნალური ენის აღდგენას, როგორც სასწავლებ-
ლებში, აგრეთვე სამსჯავროებში და, საზოგადოთ
ოფიციალურ მიწერ-მოწერაში... ხელმწიფე
იმპერატორმა გულმოწყალებით მოისმინა ეს
პატრიოტული თხოვნა და ზედ ისეთი პასუხი
დართო, — უმატებენ გაზეთები — როგორც
ეკადრებოდა კეთილშობილი ქვეყნის კე-
თილშობილ შვილსო...

ზამოისკის დაფნის გვირგვინმა არ დააძინა ჩვენი
დეპუტატები! როგორ თუ ზამოისკიმ, და
ჩვენ არაა?! ღმერთო მომკალი და რით
ჩამოგურჩებით უკან პოლონელებსო?! ჩვენც
უნდა ვითხოვოთ, რასაკვირველია, მარა საქმე
ისაა, რა? ენა, მადლობა ღმერთს, პირიდან
არავის ამოუგლეჯია ჯერ ჩვენთვისო და ეს
რეფორმებია, თუ რაღაც ჯანაბა, ვენაცვალე
ღთის სახელს, ღვინის მოსაყალი, ნაცარი-კი
აფუქებს ხან-და-ხან, მარა მაინც გვარიანია, — ასე
რო სხვა სასმელები არ გვკირდება. თუა საქმელი
ეს რეფორმები, არ გაგვიწყრეს ღმერთი, და
კუდი რამ საქმელი — ფრანკუზების ბაყაყების
არ იყოს, — არ შამოგვაპარონო!.. არ მოგვიწო-
ნებნო... ამომჩვევლები...

მარა ტყვილა — კი არაა ნათქვამი, როდესაც
არ მოელი წყალობას, ღმერთი მაშინ
გიგზავნის ხოლმე! ასე დაემართა ამათაც. ერთ
შვენიერ დილას, ჩვენი „ლეუტანტები“ ისხდნენ
დემუტის სასტუმროში და ფიქრობდნენ: ნეტავ,
ერთი გვაცოდინა: საქმელია, თუ სასმელიაო
ზამოისკი, რო თბი ულობსო? ამ დროს,
შამოვარდა მათთან ოთახში ერთი „ქკუის კო
ლოფი“ და ცრემლით შეჩივლა: ასე და ასეო,
ახალი ვენზელები *) გამოვიდა მხრებზე

*) ვენზელი — ახლათ დაწესებული ნიშანია, მხრებზე
დასაკერი, მიცვალებული იმპერატორის სახსოვრათ.
ავტ.

დასაკერებლათ, ყველას მიცეს, უკანასკნელ
საღდათსაცო და ჩვენ-კი, „კანვოიცები“
გამოგვტოვესო!

— ხუმრობ, თუ მართლს ამბობ? როგორ
გამოგვტოვესო?!.. ნუ თუ ამის მეტი პატივი
არა აქვთ ჩვენი. დალატობას გვწამობდნენ, თუ
ორგულობას?.. არა, ეს ასე არ იქნება!.. თლად
შეეძრავ პეტერბურღს — საქართველოს-კი არ
დავლუპე! წამოიძახა ერთმა.

— შენ რასიტყვი, ა — ნ?

— შენ, თუ რამეს გვიშველი, ბატონო,
თორე გლახათაა საქმე. ამ სიშორეზე ვართ,
იქ რომ უვენზელოთ საქართველო დეიქცეს,
— ბოვშები მეცოდებიან, თორე სხვა არას
ვივიო. მიუგო გულმწუხარეთ ა — ნმა და
ჯიბიდან ცხვირსახოცი ამოიღო; ცრემლების
მოსაწმენდათ. „ერთმა მათგანმა შეიმოსა,
ვითარცა რძალი და შეიმკო, ვითარცა სიძე“
და გასწია მამულის დასახსნელათ. იმისანა
რაინდული და გამბედავი შეხედულობა ქონდაო
— ამბობდნენ წევის პროსპექტზე, რო სულ
დააფთხო, თურმე, პოლიციელები: ფოტო-
გრაფს შაპიროს, რომელიც გამოჩენილი პი-
რების პორტრეტებს აგროვებს, უნდოდა
თურმე, ჩამომავლობის გასაკვირვებლათ, გადა-
ელო მისი პორტრეტი და, ამგვარათ, შეენახა
მომავალი თაობისთვის დიდი პატრიოტის სახე.
მარა, საუბედუროთ, ნისლიანი ღღე იყო და
არა გამოვიდა რა!..

ბოლოს, მივიდა ჩვენი პატრიოტი ერთ
მალალ-ხარისხოვან პირთან, რომელსაც დიდი
გავლენა აქვს ახლა პეტერბურღში და იმდენათ
უყვარს საქართველო, რომდენათაც ძულს
თავაშვერილი სისულელე. დაპირებია, ვეცთები
არ დაიქცეს კავკასიაო და ვენზელს მოგართმევთ
„კანვოიცებისთვისო“...

თქვენც მიხვდებით, ბატონებო, რა მოხდა
ამის შემდეგ. გამოვიდა, თუ არა ქუჩაზე
ზემოხსენებული პირის სახლიდან თავ-გამომეტე-
ბული მოციქული საქართველოს წარმატებისა,
პეტერბურღმა ნახა ისეთი სურათი, რომლის
მსგავსს კვლავ, რასაკვირველია, ვერ ნახავს.
თელი „ზოოლოგიური ბაღი“ ერთ ხმათ
ადიდებდა გმირის მოქმედებას და საქვეყნოთ

ტაშს უკრაინა მისს ქცევას. რაც შეეხება პეტერბურლის საზოგადოებას, ამ ამბავმა ის ძლიერ შეაწუხა.—ვაი, თუო, მეუბნებოდენ ჩემი ნაცნობი რუსები, იმ პირს, რომელსაც თქვენმა დეპუტატებმა წარუდგინეს უცნაური თხოვნა, ცუდი ბოლო მოეღოსო?... ეს შიში უსაფუძვლო გამოდგა.

ჯერ-ჯერობით, მადლობა ღმერთს, ბილიუტენები არსად ჩანს და, მაშასადამე, თქვენც შეგიძლიათ დარწმუნდეთ, რო ზემოხსენებულ მაღალ ხარისხოვან პირს სიცილით არ განუტევებია სული. მადლობა ღმერთს, თორე, რალა ეშველებოდა რუსეთს... მარა გავაგვქლოთ ამბავი.

ამის შემდეგ, „ლეზუნტატები“ მიეცენ ქეიფს და ნეტარებას!.. რათგანც ქართველი პოეტები პეტერბურლში არ არიან და არც ცალიათ მათთვის, მათ მოახერხეს აოლათ გამოსულიყვენ ამ მხრით, რომ უღექს-სიტყვაობით დღესასწაულობას შნო არ დაკლებოდა. ასწავლეს კავკასიიდან ჩამოყვანილ მოსამსახურეს შესაფერი ლექსები, წამოჯდენ არხეინათ დივნებზე, ააბოლეს ჩიბუხები და ყურს უგდებდენ ღირსეულათ დამსახურებულ შესხმას:

„გმიზნო, მაშუღის მადიდნო, თქვენა ხართ ჩვენა დიდება,
 „თქვენთა სახელთა დიდებათ წარმთქვამს ჩამო-
 მავლება,
 „თქვენთა საქმეთა მოთხრობით, მოხუცს ცრემლ
 მოკედინება!

ასე აღიდებდა ახალ-გამომცხვარი პოეტი ბატონ „ლეზუნტატებს“, და საქმე საუცხოოთ მიდიოდა, რომ ერთი... შეთხვევა არა. ოთახში შემოვიდა მეორე „ქკუის კოლოფი“ და გასაცვიფრებელი სიურცხვით მოახსენათ:

„რომ თხოულობდით მოწყალებას, ვინ გთხოვათ თქვენ? რაც შემეხება მე, არ მინდა ის ვენზელიო, თუ ჩვენ მარტო გვიბოძებენ, ლეკები და თათრები გამოტოვესო. ღმერთო! მომკალი და სული ამომახინე!... ვის მიქვია. რას მიქვია, ამხანაგების დალატობა და სხვა და სხვა.

არ შემიძლია ავიწეროთ, რა მოხდა, ამის შემდეგ! სამი ვეშაპი, რომლებზეც, „ლეზ-

უნტატებმა“ კარგათ იციან, ქვეყანაა გაჩერებული, ერთად რო ჩაბარებოდა პატრონს და ერთბაშათ დაქცეულიყო ქვეყანა, ამისანა ჩაბ. ექდილებას ვერ მოახდენდა!...

—ლუკმა-ლუკმა, ის ცხონებული მამა ნუ წამიწყტება, ლუკმა-ლუკმა აგკუწავ, კიდევ რო ხმა ამოიღო! შეხედე, ამ ყურუმსალს, რას ამბობს: არ მინდაო! მაშ, ტყუილათ შევაწუხეთ პატიოსანი ღენერალი, გავაკვირვით პეტერბურლიო დასხვა და სხვა...

სამწუხარო იყო ნაპოლეონ I-ის მდგომარეობა ვატერლოოს ომში, სასოწარკვეთლობითი იყო მისი ძმისწულის ყოფნა სედანთან. მარა არც ერთის გულში არ ყოფილა მისანა ცეცხლი, როგორიც ტრიალებდა ბნი ნ—ის მუნდრის ქვეშ.

უყავი ახლა შენ კეთილი ხალხს... ვინ დაგაფასებს, ვინ შეგნიშნავს... სამწუხაროა, თქვენ ნუ მომიკვდებით, ქვეყნის უმადურობა, ვიტყვი მეც, ჩემი მხრით.

—ახლა რით გათავდაო? მკითხავთ თქვენ. არ ვიცი, ქეშმარიტათ: იზამს მოწყალებას „ლეზუნტანცია“ და არ დალუპავს დაღესტანს, თუ გაუხსენებს მამა-პაპურ მტრობას და მოსპობს დედა-მიწის ზურგიდან,—ეს მომავლის წყველიაღმია დაფარული. შეიძლება, ასეც მოხდეს და ისეც! ყოველივე მოსალოდნელია!..

მე, ჩემი მხრით, მოგახსენებთ, დასასრულო, ერთს ახალ ამბავს, რომელსაც, რასაკვირვეია, თქვენც შეხვდებოდით რუსულ გაზეთებში, და იმით დავაბოლოვებ ამ უიმისოთაც გაგძელებულ წერილს.

პეტერბურლის „დუმამ“ მოახდინა არა ჩვეულებრივი სხდომა და გადაწყვიტა: რათგანც კავკასიელი „ლეზუნტანცია“, პეტერბურლში მყოფობის დროს, სხვა-და-სხვა უფლებების და ქება დიდების მოპოვებით დაიტვირთა, —დაინიშნოს ცალკე კომისია მკოდნე და გამოცთილის ინჯინრებისგან, შეუძლია თუ არა ნიკოლაევის რკინის გზას, შათსამშობლოში დაბრუნების დროს, გაუძლოს ამ არა ჩვეულებრივ სიმძრმეს, თუ ექსტრაორდინარული ზომების მიღება საჭიროა?

ეხუმრებით, ბატონებო! გზა რომ დაიმტვრეს, ხო დავრჩით გაცალკევებული თელი რუსეთისგან! საწყენი ის არი. რომ ნამეტნავათ ჯონიანი ხალხი არიან. რამდენი ვეგვწვთ: დატოვებთ, ვაჟო, ნახევარი და, მერე, სხვა „პოეზლით“ გამოვიგზანით თქო, მარა, ჰა, არა ეშველათ-რა!

— შენ რა იცი, ბოშო, საშიშარია, დაიკარგებაო. პოლონელებიც აქ არიან: ვინ იცის, რა ხალხია! რომ დაიხარბონ და მიითვისონ, მაშინ რაღა გვეშველებაო? მეუბნებოდა ერთი მათგანი.

მართალია, „თვალი კაცისა ხარბია“, მოგეხსენებათ.

ილია ბახტაძე.

პეტერბურდი. 19 მარტს. 1881 წ.

იმე!

აკაკი

იმე! რა ყოფილა ის ვინცხა ბახტაძეა, თუ ვახტაძე? რაღა „არა მკითხე მიანბესავით“ გამოხტა და წვიგძელა ენა! ბოშო! რომ ტლიკინოფ, რას ტლიკინოფ? ვინ გკითხავს შენ „ბალი ათ შაურათ არიო“? ჩვენ ამორჩეულებს რომ დაცინი, რაღა ბეღამ, შენ მაგას? მაგენი შენი ტოლები გგონია, თუ?! შენისანა ღვლოპები ვაგლახათ სალამსაც ვერ უნდა უბეღავდენ მაგენს!..

ჩვენ დებუნტატებს დაცინის!.. ღმერთო, კი მომკალი ახლა და სულიც ამომახდინე!.. მოდი და ნუ გასკდები, ზე კაკალ გულზე... დედა! დე...და! დე...და!.. რა უხიაგი დრო შამოვიდა, რომ ღლაპებიც-კი ნახირში ერევიან...

ბოშო! შე ვუბედურო, მაქანე განა მიტოვავაგზანეს, რომ ქვეყნის საქმე ეძიეო?..

შენი საქმე ის არი, რომ მაქანა ცოტა ისტავლო რამე, გაათათო შკოლა, მერე, ჩამოხვიდნე ჩვენში და კაი ატუკანტობა იგდო ხელში, ან სულთა-პოპოზნიკობა და, მერე, ყვლიფო და ყვლიფო ხალხი... აჰა, მაშინ გეტყვიან კაი ბიჭს, თვარა წაგიგდია ენა და ტლიკინობ გავთებში, რასაც არ გკითხავენ!.. ახი-კი იქ-

ნება თქვენზე, რომ ჩვენმა დებუნტანტებმა ასე ითხოვონ: „აქანაი ეს ბაღნები პლუტდებიან, მერე, ჩამოდიან ჩვენში, ქვეყანას აპლუტებენ: კალონსა და სიმართლეს თხოულობენ და მითი ხალხს აბრიყვებენ, აორგულებენ და მიიღეთ მოწყალება: რომზგი მაგათ-თქო. და ნულა დავგიბრუნებთო!.. მაგათთანები სხვებიც წვიყვანეთ, მოაშორეთ ქვეყანასო!“

თქვენ ვერ შეიტყობდით, თვარა ეს ნათხოვი, იქნება, ასეთე...

მისაკოსებელი ითხოვესო“, რომ უნბოფ, რა ვუყოთ, მერე? კაი უქნიათ! ქვეყანა მიკოსებ-მოკოსებით კეთდება! თქვენ, თუ არაფელი ვაკოსიათ, მიტომაც ხართ გატვლებილი და ცერამოგდებულები!

რაც საჭიროა ქვეყნისთვის, ახლა შენ უკვეთ იცი, ბოშო, მაგენზე?.. თქვენ არ ყოფილხართ ადრე, მარა ქვე გვითხოვია, რაც გვდომებია და რაც გვკლებია.

ნიკოლოზ ხემწიფე რომ მობრძანდა, მაშინ გვიბძანა: შემატყობიეთ თქვენი გასაჭირი, მთხოვეთ და, რაც უნდა იყოს, შეგისრულებთო. და იცით, ჩვენ რა ვთხოვეთ? გურულებმა — მარლი და იმერლებმა — ბუკი და ქართლ-კახეთმა — დიდმის მიდორი, მუხრან-ბატონის საჩუქრათ!..

მასუკანაც ვინც-კი მობძანდება, ყველას ვთხოვეთ ხოლმე... „ესე და ეს დამნაშავე“, ესე და ეს ვაგზანილი ციშბირში, გამოუშვით, გვაპატივეთ, თვარა წახდა ქვეყანა-თქო! და ისინიც შეიწყნარებენ ხოლმე ჩვენ ვედრებას. აჰა!..

რაც გვეჭირვება ჩვენ უკვეთ ვიცით აქ და თქვენ, ბაღნებო, მაქანე ნუ წაგიგდიათ ენა, ნუ ტიტინობთ, თვარა, მე ვიცი, თქვენ კაი სიზმარს ვერ ნახავთ!..

ნეტეი, ახლა ამ აპრილიში აქანე იყო ქუთუთისში. თავად-აზნაურობის კრებაა, ბანკის თავჯდომარეს ამოსარჩევათ და იქ რომ გამოერეოდი, მაშინ გიჩვენებდნენ შენ სეირს. ასე ვაგზბიდენ, ასე, ასე, რომ რიონიც ველარ ვაგრეცხავდა, შე ვუბედურო, შენ!.. თუ ქუთას ვერჩის, ჩახვდი გონებაში და მეტს ნულარას

იტყვი, თვარა... თვარა... როძგი!

იმეწეღა.

P. S. აბა, ახირებული, თუ გინდა ახლა, ეს არი! ჩვენ ბიჭ-ბუჭებზე ვანბობდით და ახლა ქალებიც გამოხტენ.

ოუღერია ვინცა დედაკაცს თავი, მოგვდგომია და „ანასუნ-ბაბასუნობით“ აღარ გვზოგავს!.. ამისანა ურცხვობა იქნება... გაგონილა; შენი ჭირიმეთ, მანდილოსნისგან გაზეთებში თავის გამოტანა და ქვეყნის შედავება!.. დედა-კაცო, რათ ირჩევთ წინამძღომლებსო, რო გვეკითხები, თუ შენ გონიერი იყო, თითვან გეცოდინება! არ იცი, რომ ეს სიტყვა „წინამძღომელი“ ორი ლექსისგან არი გადაბმულათ შემდგარი: „წინა“ და „მძღომელი“, ე. ი., ვინც წინ-და-წინ გააძლებს და ისინიც, ამორჩევის დროს, წინათ სადილებს გვიკეთებენ ამომრჩევლებს, გვაძლებენ და მიტოვადღევთ წინამძღომლობას!.. აბა, თქვენ რო გვითითებთ, იმათთანები რომ ამოვირჩიოთ, ქვე არ დავწყდით შიმშილით!.. იმათ, რომ თითვან არა აქვთ-რა საჭმელი, ჩვენ რაღა გაგვაძლებენ?.. და ამ ქვეყანაში გაძღომია პირველი საქმე... ქრისტე მეუფემ, ვენაცვალე მის ძლიერებას, ვინ იცის, რამდენი სხვა და სხვა სასტაული ქნა. მარა ბევრს არ ეჯერა, სანამდი ხუთი ათასი არ ვაძღო და მაშინ-კი ყველამ იწამა... არ გაგვიგონიათ:

მშაუკა კუჭი ჭუჭყუნობს,
ჭყუა-განებას წუხობსო,
მაძღანა დამ აბაყინებს —
ის გუღთან ქაჯაჩუნობსო!..

მარა, ბევრი რა გელაპარაკო, შენ!.. ქალი ხარ და ქარი!..

იმეწეღა.

დიდი სიამოვნებით ვბეჭდავთ ამ თქვენს ტატუას, ბ. იმერელო!.. მართალსა ბძანებთ, თქვენმა სიცოცხლემ. მხოლოთ ამორჩევის ნიჭსა და გონებას ტყვილათ აწერთ თქვენ, საზოგადოთ, ჩვენ ხალხს... წინამძღომელებს და ლეპუნტატებს ჩვენი ჩინოსნები ირჩევენ და არა ხალხი. ხალხს ვინ მიცა იმდენი უკუ-შეტებოდა...

აჭაჭი.

ქართული ფრესკები.

ძველი ქართული ხელოვნების შესწავლა ჯერ კიდევ არ გაცილებია პირველ საფეხურს. შესასწავლი მასალა თვალ-უწვდენელია, მის შეგროვებას და დალაგებას თელი თაობის შეუჩერებელი შრომა ჭირდება. ჯერ-ჯერობით-კი ამ სფეროში ორიოდე უანგარო და თავგამოდებული ადამიანი მუშაობს. გასაკვირალი არ არი, რომ მათი გამოცთილება ვიწროთ შემოფარგლულია და მათი თვალთსაზრისი არ ასულა ზოგადი იდეების სიმაღლეზე, საიდანც შეიძლებოდა, ქართული ხელოვნების ევოლიუციის დანახვა, ან კიდევ მისი ესთეტიური დაფასება.

მართალია, ჩვენში უცხოელი მკვლევარნიც მოდიოდნენ. მარა მათ ბევრი რამ აკლდათ ჩვენი ნაშთების შესაგებათ. ჩვენ ძველ ისტორიას ნაკლებ იცნობდნენ, ძველი წარწერების წაკითხვა დიდათ უჭირდათ. თანამედროვე ქართველობაში-კი ნაკლებ კულტუროსან ხალხს ხედავდნენ. მათი ცნობისმოყვარობა გულგრილი და შეუშფოთებელი იყო და ქართული ხელოვნების ძეგლს ხშირათ ისე უცქეროდნენ, როგორც ანატომები ცხედარს უცქერიან. მათ არ შეეძლოთ ხელახლა განეცადათ ის მღულარება სულისა, რომელიც ჩვენ ძველს ოსტატებს ამოძრავებდათ.

ძლიერ დამახასიათებელია ის გარემოება, რომ უცხოელი მკვლევარები, საერთოდ, ამცირებდნენ ქართველი ხელოვნების თავისებურობას. კარგათ იცოდნენ, რომ საქართველო ერთ დროს ბიზანტიის კულტურულ წრეში შედიოდა; ქართული ხუროთმოძღვრებისა, მხატვრობისა, თუ ოქრომჭედლების დაფასებაში ამ წინასწარ შეძენილი ცოდნით ხელმძღვანელობდნენ. ჩვენი ესთეტიური შემოქმედობის ინდივიდუალურ თავისებებს ნაკლებ უწევდნენ ანგარიშს.

— უცოდებელია, რომ საქართველომ პირველ ქრისტეანულ საუკუნეებში, მართლაც, განიცადა ბიზანტიის სულიერი დანივითიერი კულტურის გავლენა. ამ გარემოებაში არაფერია დამამცირებელი. ყველა ნიჭიერი ხალხი თვალდა და გულგაშლილია და უცხო იდეებსა, თუ

ფორმალურ ღირებულებებს ადვილათ ითვისებ; ეროვნული გენიოსობის ძალა იმაში მდგომარეობს, რომ ამ ნასესხებ ელემენტებს თავისებურათ აერთებს და განუყოფელ სინტეზს ქმნის.

ქართულ ეროვნებაზე გავლენა იქონია არა მარტო ბიზანტიამ, არამედ სირიამ და სპარსეთმაც. ადვილი შესაძლებელია, რომ ზოგიერთი არქიტექტურული და მხატვრული ელემენტი ჩვენში დასავლეთ ევროპელმა ჯვაროსნებმა, გენუელმა სოვდაგრებმა, ან კათოლიკე მისიონერებმაც შემოიტანეს. მარა ეს უცხო გავლენა, იმდენათ ძლიერი არ ყოფილა, რომ ეროვნული თავისებურება მოესპო, ან დაეჩლიდა.

ეს, გასაკუთრებით, ქართული ფრესკების შესახებ ითქმის. სიტყვა-კაზმული მწერლობის გარეშე, არც ერთს ესთეტიურს დარგში არ გამოუჩენია ქართველ ხალხს ისეთი ორგინალობა, როგორც კედლის მხატვრობაში გამოიჩინა. ამ მხრით, ჩვენ სამშობლოს მხოლოდ იტალია ქარბობს. მარა იტალიაში ფრესკების ხატვამ მხოლოდ ჩამაბუეს და ჯიოტოს სკოლის შემწეობით მოიპოვა დამოუკიდებელი მნიშვნელობა, გავითარების უმაღლეს წერტილს-კი მიქელ-ანჯელოსა და რაფაელის შემწეობით მიაღწია. ეს დიდი იტალიელი ოსტატები მეთოთხმეტე და მეთუთხმეტე საუკუნეში ცხოვრობდნენ. ჩვენი მოგვებოვება თარიღიანი კედლის მხატვრობა, რომელიც მეცხრე საუკუნის შავსლებს ეკუთვნის და საფიქრებელია, რომ ზოგიერთი უთარილო ქართული ფრესკა კიდევ უფრო ძველდროშია შესრულებული.

საქართველოს მოსაზღვრე ქრისტიანულ ქვეყნებსა, ბიზანტიასა და სომხეთში, ფრესკების ხატვა არ იყო გავითარებული. სომხებს თვით სირწმუნოებრივი კანონი უკრძალავდა საეკლესიო კედლების დახატვას. ბიზანტიაში თავდაპირველად რელიგიური მხატვრობა აქაღული არ ყოფილა. მარა ბიზანტიური ხელოვნება ყოველთვის უფრო განყენებისა, თუ მონუმენტალობისკენ იყო მიმართული და სოფლის კენქს, ან მოზაიკას უპირატესობა ეძლეოდა ფრესკების წინაშე. იუსტინიანეს დროის

დიდი ტაძრები რავენასა, კონსტანტინეპოლსა და თესლონიკში სოფის კენქითაა მოხატული. შემდეგ, მერვე და მეცხრე საუკუნეში ბიზანტიის იმპერიაში ხატვა მეტოლომა სექტამ გაიმარჯვა და საეკლესიო მხატვრობის გავითარება შეაჩერა. მარა მეთუ და მათერთმეტე საუკუნეში, მაკედონელი დინასტიისა და კომნენების დროს, ხელახლა ჩარჩოიანი ხატებისა და სოფის კენქის ტენიკა აღორძინდა. ფრესკების ხატვა არც პალეოლოგების დროს ყოფილა დიდ პატივისცემაში. ამიტომ თამამად შეიძლება ითქვას, რომ ძველი ბიზანტიის ტერიტორიაზე არ მოიპოვება არც ერთი მნიშვნელოვანი ძველი, რომელიც ფრესკების სიმდიდრით ჩვენ ბეთანიას, ზარზმას, გარეჯას, გელათს, ან ტიმოთეს უბანს შეედრებოდეს. სამაგიეროთ, ჩვენი ქვეყანა მოზაიკის, ან სოფის კენქის მხატვრობითაა დარბი. ცნობილია მხოლოდ ორი მოზაიკა: წრომის ტაძრისა და გელათის მონასტრისა. ორივე წმინდა ბიზანტიური სულითაა გამკვალული.

მარა ჩვენი კედლის მხატვრობა ბიზანტიურს ქარბობს არა მარტო რაოდენობით, არამედ ესთეტიური ღირსებითაც. ბიზანტიელი ოსტატები უწინარეს ყოვლისა მოზაისტები იყვნ და მათ თითებს აღარ ეხერხებოდა ყალმის თავისუფალი მოსმა. მათი მხატვრული კომპოზიკია, საერთოდ, უნაკლული იყო. მარა ამასთან ერთად, მოსაწყენი და ერთფეროვანიც, მიტო რო მკაცრ სიმეტრიაზე იყო დაფუძნებული. ფიგურებს მოძრაობა აკლდათ, სახეებს მეტყველება. ყოველი დამიხასიათებელი დეტალი უარყოფილი იყო საერთოდ ჩაბეჭდილების გულისთვის, საერთოდ ჩაბეჭდილება-კი ზვიადი და დღესასწაულებრივი იყო. მხატვრობ ს უკანა პლანზე არ იხმარებოდა არც პეიზაჟის, არც არქიტექტურის ელემენტები, გაერთიანებულ ოქროსფერ ფონს-კი მიუწოდებელ იდეალურ სფეროში გადაქონდა ფიგურები და სცენები.

ჩვენმა აღერსიანმა მზემ და ჩვენმა ცხოველმა ტემპერამენტმა გააღწო ბიზანტიური ასკეტისმი და ბიზანტიურ გაწმენბულ სხეულსა და დაღრეჯილ სახეს მოქნილობა და ჭერმე-

ტყველობა მიცა. წმიდანები მომაკვდავებს დაუხლოვდნენ და ადამიანურათ გასაგები გახდნენ. ამ მხრით, გასაკუთრებით, ბეთანიის კედლის მხატვრობაა საყურათღებო. ქართული ქრისტიანული ხელოვნების რეალიზმმა ამ ფრესკებში უმაღლეს მწვერვალს მიაღწია. ეს იმდენათ გიორგი მესამისა, თამარ მეფისა და ლაშა გიორგის პორტრეტებში არა ჩანს, რავდენათაც წმიდანების ფიგურებში, რომელნიც ტაძრის საკურთხეველში არიან მოთავსებულნი. როგორც ჩანს, მეფეების გამოსახვაში ოსტატის თავისუფლება შებოჭილი ყოფილა: მას ბძანებლევ ბი ისე დაუხატავს, როგორც ამას კარის ეთიკეტი და ჩვეულება მოითხოვდა. სიმაგიეროთ, მის დაკვირვების ნიჭს, ფანტაზიას და კომპოზიციის ცოდნას ლაღათ ფთა გაუშლია რელიგიური სიუჟეტებისა და წმიდანების გადმოცემაში. და მას შეუქნია თორმეტი წინასწარმეტყველი, თორმეტი მოციქული და თორმეტი საეკლესიო მამა, რომელნიც სწორეთ რო დირსნი არიან გვერდში ამოუდგენ იტალიური რენესანსის საუკეთესო ქმნილებებს.

დამახასიათებელია ბეთანიის ფიგურების ბუნებრივი მოძრაობა, ფსიქოლოგიური სხვა-დასხვაობა, მდიდარ ნაოჭებიანი ტანთ-ჩაცმულობა. მარა ყველაზე დამახასიათებელი მათი სხეულის რელიეფია. საშვალ საუკუნეების მხატვრებს, საზოგადოთ, უჭირდათ სხეულის კუნთების გადმოცემა და მათი ფიგურები, უმეტეს შემთხვევაში, ბტყელ ფორფიტებს წაგავდნენ. ბეთანიის ოსტატი, ამ მხრით, გაცილებია თავის ბიზანტიელ და დასავლეთ ევროპელ თანამედროეებს და კლასიკური ხელოვნების ტრადიციები აღუდგენია. მას ქონია არა ჩვეულებრივი ანატომიური ცოდნა ადამიანური სხეულისა. ახლო დაკვირვებამ, უცილობლათ, დაიმტკიცა, რო მას ჯერ ტიტველი მოდელის ესკიზი გაუკეთებია და, შემდეგ, სამოსელით დაუფარავს. ამიტო ნაოჭებში, როგორც სველ ტილოში, ნათლად მოჩანს სხეულის ნაკვთები და კონტურები.

ქართველი ფრესკების ისტორიული და კულტურული მნიშვნელობა პირდაპირ განუზომელია. მათში წარსულ საუკუნეთა სულია

განივთებული. მკვდარი ისტორია ცოცხლდება, ეროვნულ გმირების სახელები კარგავენ განყენებულ ხასიათს და ხელშესახებ სინამდვილეთ ხდებიან. რა იქნებოდა ბაგრატ IV, დავით აღმაშენებელის, თამარ მეფის, ლაშა გიორგის, ან ათაბეგების მშრალი მატრიანე-ისტორიული ფრესკები რომ არ შეგვჩენოდა? ბეთანიის, ზარზმის, საფარის, ქულების და გელათის ოსტატებს უნდა ვუმაღლოდეთ დღეინდელი ქართველები, რო ჩვენი ისტორიის ფურცლები შეუდარებელი ილუსტრაციებითაა გაცხოველებული.

მარა დღეინდელი ქართველები უმაღური ხალხი ვართ და აგრე რიგათ აღარ ვაფასებთ წარსულ საუკუნეების ღვაწლს. ამით აიხსნება, რო ჩვენი ძვირფასი ფრესკები დღეს ასეთ უმწეო და სავალალო მდგომარეობაში იმყოფება. დიდი წილი კიდევ დაიღუბა სამუდამოთ. ტეხვრამ და ხორშაკმა გაანადგურა ძველი ქართული ტაძრები და მათი კედლების მხატვრობა წვიმამ და თოულმმა ჩამორეცხა. დანარჩენი დღეს ისპობა ჩვენ თვალწინ. და ეს ჩვეულებრივ აღარ იწვევს გულის ტკივილსა და მწუხარებას.

მარა ეს სახიფათო გულგრილობა ბოლო დროს ახლათ დაარსებულმა ქართველ ხელოვნთა საზოგადოებამ შეარყია. ეს საზოგადოება უწინარეს ყოვლისა, იმ ნაშთების გადმოღებას შეუდგა, რომელთაც მეტი საფთხე მოეღის ახლო მომავალში. საბოლოო მიზანი-კი ის არი, რომ არსებული საეკლესიო მხატვრობის ასლთა სრული კოლექცია შედგეს. თუ საზოგადოებამ ამ მიზანს მიაღწნია, ის ორმაგს სამსახურს გაუწევს ქართულ ეროვნულ კულტურას. ჩვენ დაჩლოუნგებულს ესთეტიურ გემოვნებას გააფაქიზებს, ჩვენს ისტორიულ კვლევადიებას-კი დაუფასებელ ნივთიერ საბუთებს შემატებს.

დიღათ გამამხნეველებია პირველი ნაბიჯი, რომელიც ქართველ ხელოვნთა საზოგადოებამ გადადგა. ქართული ფრესკების გამოფენამ „დიღების ტაძარში“ დიდძალი საზოგადოება მიიზიდა იმთავითვე და, რაც დრო გაღის, მით

უფრო ცხოველდება ხალხის ინტერესი. საფიქრებელია, რომ გამოფენის გახსნის დღე მნიშვნელოვან თარიღათ დარჩება ჩვენი ესთეტიური კულტურის განახლების ისტორიაში.

„დიდების ტაძარში“ გამოფენილია ერთი მცირედი ნაწილი ქართული ფრესკებისა. უდიდესი ნაწილი ჯერ კიდევ დავიწყებულ ტაძრებში თვლემს და ქართველი მხატვრის მოსიყვარულე ხელის შეხებას ელის. მარა გამოფენა დაახლოვებით წარმოდგენას მაინც იძლევა ჩვენი ძველი საეკლესიო მხატვრობის სიმდიდრეზე. თავისთავად ცხადია, რომ მუზეუმში გამოფენილას არ შეუძლია ორიგინალის მაგივრობა გაწიოს. ფრესკი შენობის შინაგანი სამკაულია. ის შეფარდებულია კედელსა, სვეტსა, თაღსა, გუმბათის ცას, ან იალქანთან და თელი არქიტექტურის ორგანულ ნაწილს წარმოადგენს. ამიტომ ფრესკის გამოთიშვა და ცალკე გამოფენა რამდენიმე ცოცხალი სხეულის გაჩეხას უდრის, ამისდამიუხედავათ, „დიდების ტაძრის“ გამოფენა მაინც დიად ჩაბეჭდილებას ქმნის, იმდენათ ძლიერი და სულ-ჩადგმულია თითოეული მხატვრული მინუში.

გამოფენის მნახველის ყურათღებას უწინარეს ყოვლისა დიდი ისტორიული ფრესკი იპყრობს, რომელზეც სამცხის ათაბეგებია გამოხატული (№ 6 გამოფენისა). ეს მხატვრობა ნამდვილ შედეგს წარმოადგენს, კომპოზიციისა და კოლორიტის მხრით. საერთოდ, ნელთფილი ტონები ქარობს: იის-ფერი, ყვითი ფერი, მოწითალო, მოყვითალო. ამასგარდა, ეს ფრესკი იმით არი საყურათღებო, რომ ჩამომაველობას მისი ოსტატის სახელიც შერჩა. ეს შესრულებულია 1381 წელს, არსენი თფილელის მიერ, რომელსაც ეკლესიის ერთს ადგილას შემდეგი წარწერა გაუკეთებია: „შეწევითა ღვთისათა და წმიდისა გიორგი ჭულაისითა სრულ იქმნა ესე ეკლესია ჭულისა ხატებითა მხატვრისა არსენი თფილელისა“. ეს მეტის მეტათ იშვიათი ისტორიული დოკუმენტია. ცნობილია, რომ ძველი ოსტატები ამ ქვეყნიურ დიდებას ნაკლებ მიდევდნ და თავიანთ ნაწარმოებს, უმეტეს შემთხვევაში, ხელმოუწერელათ ტოვებდნ. ქართველები კიდევ უფრო მორცხენი იყვნ,

ვიდრე სხვა ერების წარმომადგენლები: იმ აზრს ადგენ, რომ „ბძნად მეტყველება ვეცხლი არს წმინდა, ხოლო დუმილი ოქრო რჩეული“. ამიტომ დღეს, უმეტეს შემთხვევაში, აღარ ვიცით, ვინ ააგო ჩვენი ტაძრები და ვინ მოხატა მათი კედლები.

საფარის ტაძრის ფრესკი (№ 7) უფრო ფსიქოლოგიური შინაარსითაა შესანიშნავი. ის იმავე სამცხის პატრონებს წარმოადგენს, ახალგაზდა შალვას გამოკლებით. მათ სახეებში მეტი ინდივიდუალური სხვადასხვაობაა შეტანილი და მათი ფიგურები ღირსებასა და კეთილშობილებას ხატავენ. მაყურებელი ვძნობს, რომ მის წინ ძლიერი ეპოქის შეილები დგანან.

ეს არ შეიძლება იფიქვას ნაყურალეშის ეკლესიის ფრესკების შესახებ (№№ 41, 42), სადაც გადადიანებული ჩიქოვანებია მოთავსებული. სამთავრო წამოსასხამში ვულგარული ადამიანებია გახვეული. თვით მხატვრული წერის ტექნიკა ლტანქი და ზუსტურია: ნათლად ჩანს, რომ მეჩვიდმეტე საუკუნეში დასავლეთ საქართველოს სულიერი კულტურა საკმაოდ დაბალ ნიადაგზე მდგარა. საერთოდ, ნაყურალეშის ფრესკები საუკეთესო ილუსტრაციას წარმოადგენს არქანჯელ ლამბერტისა და შარდენის ნაწერებისთვის, სადაც კოლხეთის იმ დროინდელი ცხოვრებაა აღწერილი.

ბეთანიის ტაძრის ფრესკებიდან, თამარ მეფის ცნობილ პორთრეტს გარდა (№ 1), ორი საუცხოო მინუშია გამოფენილი. ერთი განკითხვის დღის სურათს წარმოადგენს და დიდათ საყურათღებოა საშვალ საუკუნებრივი ფანტაზიის დასახასიათებლათ (№ 3). მითიური და რეალური ცხოველები პირიდან შეჩვენებული ადამიანების ასოებს ყრიან. მარა ჩანს, რომ თვით ავტორი ნაკლებ აღწევებული უნდა ყოფილიყო ამ ხილვით: მისი კომპოზიცია, საერთოდ, ნაკლებ შემადრწუნებელია, ვიდრე იმდროინდელი იტალიელი და ფლამანდიელი ოსტატებისა. ბევრათ უფრო მნიშვნელოვანია ბეთანიის ტაძრის მეორე ფრესკი, სადაც წმ. ზოსიმე მარიამ ეგვიპტელს აზიარებს. დიდა ქრისტიანული მისტერია შეუღარებლათ არი

გადმოცემული; წმ. ზოსიმეს სახე მოყვასის სიბრალულს ხატავს, მარიამ ეგვიპტელისა-კი უსაზღვრო სასოებას. და მათ გვერდზე იესოს უმოძრაო ფიგურა დგას, რომლის სიახლოვეს მოქმედნი პირნი, თითქო გძნობენ, თუმცა ვერ ხედვენ.

ყველაზე სრულათ გამოფენაში ნაბახტევის ეკლესიის ფრესკებია წარმოდგენილი. ეს ფრესკები ნათლად მოწმობენ, თუ როგორ თავისუფლათ ეპყრობოდენ ჩვენი ოსტატები საერთო ქრისტიანულ სიუჟეტებს, რამდენი თავისებურება შექონდათ მათ ტრადიციული იდეების გამოხატვაში. ქრისტე ემმანუელი ნაღვლიანი, უწვერულვაშო, ჭაბუკის სახითაა გამოხატული (№ 16). წმ. გიორგი ტრადიციული, შუბის მაგივრათ, ხმლით ჩეხავს გველეშაპს (№ 12); სერობის ტაბლაზე ხახვისა და ბოლოკის თავებია გაბნეული (№ 24). მეფე ალექსანდრესი, ქუცნა ამირეჯიბისა და მათი ოჯახის ფრესკები (№№ 10, 11, 12), უფრო ქართული ტანთსაცმელის ისტორიისთვის არი საყურათლებო. თვით ქუცნა ამირეჯიბის თავი ნატურალური სიცხოველით არი გადმოცემული მარა საექვოა, რომ ის სწორი იყოს. უფრო საფიქრებელია, რომ პირვანდელი სახე წაშლილა და უთავოდ დარჩენილი სხეული რომელიმე მხატვარს შემდეგ საუკუნეებში შეუკეთებია.

ნაბახტევის ფრესკებს შორის, ღვთის მშობლის ხატი უბადლო მინუშათ შეიძლება ჩაითვალოს (№ 18). ეს ნაწარმოები ძლიერ დაზიანებულია: აღარ ჩანს არც შუბლი, არც თავლები. მარა მხატვრული ჩაგონება იმდენათ ძლიერია, რომ მაყურებელის ფანტაზია ძალდაუტანებლათ ამთავრებს, რაც ამ ღვთაებრივ თავს აკლია. ასკეტური იდეალი უარყოფილია. ქალწულის ნიკაპი და ბაგეები მისტიური გძნეულებითაა გამთბარი, დაწვებზე-კი მიუწვდომელი მწვანე ფერი კრთის, რაიცა ამ საუცხოო ქმნილებას თანამედროე ფრანგი იმპრესიონისტების ნაწარმოებებს უახლოვეს.

ანალოგიურ ჩაბეჭდილებას იწვევს ქვათახევის ღვთისმშობლის ფოტოგრაფია, რომელიც ერთ-ერთს ვიტრინაშია გამოფენილი.

ივერიის უზენაესი პატრონის სახე ქალური სინაზითა და სიკეკლუციტაა აღსავსე, მისი არსება ადამიანურათ მომხიბლავი და მიმზიდველია: ეს უფრო ლეონარდოს ჯიოკონდის ტყუპს წააგავს, ვიდრე სამონასტრო ხელოვნების უსისხლოხორცო წმიდანს.

როგორც ჩანს, ძველი ქართველი მხატვრის ბუნებაში ხშირათ იღვიძებდა წარმართულ დროის მოგონებანი. ჩვენი ტაძრების კედლები ხშირათ საერო და საჟანრო მხატვრობითაა დაფარული. ალაგ-ალაგ ახალგაზდა ქალების პროცესიაა მოთავსებული, ალაგ ალაგ დევებისა და ადამიანების შებმა; სამეგრელოს ერთს ეკლესიაში ტაფით აღქურვილი მხარეულიც-კი არი გამოხატული. „დიდების ტაძრის“ გამოფენაში ამ ხასიათის მხატვრობა სვეტიცხოვლის კედლიდან გადმოღებული „სამაია“ წარმოადგენს (№ 31), სადაც გრაციული მოცეკვავე ქალების ჯგუფი დიდი ხელოვნებით არი განაწილებული.

მარა მარტო ფრესკების ასლებით არ ამოიწურება ამ შესანიშნავი გამოფენის შინაარსი. ვიტრინებში ფრესკების ფოტოგრაფიები და წიგნების ილუსტრაციებია გამოფენილი. ამ უკანასკნელთ შორის გასაკუთრებულ ყურათლებას მარტვილის და ვანის სახარების ილუსტრაციები იპყრობს (№ № 72 და 85). პირველი კეთილშობილი კლასიკური სტილითაა დახატული, მეორე-კი ფანტაზიის არაჩვეულებრივ სიმდიდრესა და მრავალფერადობას ააშკარავებს: ჩუქურთმიან კამარებს სიმბოლური ცხოველები ახვევია. აქ დათვები ადამიანებს ესაუბრებიან, მონადირეები ლომებს აღჩობენ; მონები აქლემებს მიდევნენ, ჯამბაზები ხეებზე მიცოცვენ; კამარის სვეტებს-კი თავისებური კარიატიდები იჭერენ. გულუბრყვილობა და სიბძნე ერთად არი შეერთებული, ეს ორი აუცილებელი ნიჭი ყოველი დიდი, მირონცხებული ოსტატისა.

გერონტი ქიქოძე.

ჩემი ბრალია, ჩემი.

(მოთხრობა)

--აქ ყოფილა შევნიერება, აქ, ჩემო სა-
ნდრო! არა მჯერა, თითქო რამდენიმე დღე
ეკეთებოდა ქვეყნიერობის შემქნელ ძალას ეს
შევნიერი ბუნება, არე-მიდამო და ყოველივე.
არა, ამას დიდი ხანი აკეთებდა, ალბათ, აკეთებს
ახლაც და ჯერ კიდევ ბევრია გასაკეთებელი.
ნელი ხმით უთხრა თინამ სანდროს, როცა
ეს უკანასკნელნი, თითქმის დაღლილნი, ჩაშო-
ჯდნენ რიონის მარჯვენა მხრით, ქვის სატეხის
თავზე, ოდესმე ბაგრატის ტაძრის ეზო-გარემოს
დასაცვლელათ შემოვლელულ ზღუდე-ნანგრე-
ვებზე.

— დააკვირდი, რა კარგათა ჩანს აქიდან
გაშლილი ქალაქის მომეტებული ნაწილი. რა
საუცხოო სურათებს იძლევა გელათის მიდა-
მოები და თლად ირგვლივ მდებარე არე-მარენი.
იჲ!.. კარგია აქ საღამო, კარგია დილაც და
სიცოცხლეც, მარა სიკვდილიც...

--შენ მართალს ამბობ, თინა... კარგია
სიცოცხლე, მარა სიკვდილი-კი არა. სიცოც-
ხლე კარგია, ის მუდმივი უნდა იყოს. ჰო,
შენ მართალს ამბობ, მართალს და, რა-კი წარმა-
ვალთა ადამიანის ყოფნა, ამიტომაცაა, რომ ასე
გატაცებით გვიყვარს ეს სიცოცხლე და სილა-
მაზეც. ყოველივე აქაური მაგონებს სოფელს,
სოფლის სიცოცხლეს და მიყვარს ყველა ეს,
მიყვარს და ამ მიყვარულს მიასკეცებს ათასი მო-
გონებანი ჩემი ბავშობისა: ამასავით ლამაზია
ჩემი სოფელიც, ვით ეს მიდამონი, ქალაქს
რო თვალი მოარიდო. მართალია, აქ ამ არე-
მარეს რიონი ჩაშოულის და ჩემ სოფელს.
არა, მარა, სამაგიეროთ, ცხენის წყალიც ბევრ
რასმე უღუდუნებს ჩემი სოფლის მიდამოებს.
თვალ წინ მიდგას ჩემი ბავშობის ხანა და
მაშინდელი სურათები, სადაც მე თვალები
გავახილე და პირველათ დავინახე ის არე
მიდამონიც ისე, ვით ყველა ეს. ჰო, მიყვარს
ყველა ეს, მარა აწი-კი არ ვიცი, რა იქნება
ჩემთვის; რას მომიტანს მომავალი, მე ამის
წარმოდგენა არ შემძლია და ვაი, თუ ჩემი
სიყვარული ამ არე-მარესთან, ჩემი სიყრმის
მეგობარ-მთებსა და მათ ცრემლებ-ნაკადულები
თან არც იქნეს ხან-გძლივი...

—და მიზეზი! ალბათ, ბავშური ოცნება
ან იქნებ ბუნების შევნიერება, ან მისი სილია-

დის ვერ ამოცნობაა, რომელიც ხშირათ და
უპატივებლობაც ჩაიჭრება ხოლმე ადამიანის
გულში და არა ხმა მაღალი ყვირილით, არა-
მედ ჩუმი, შეუჩნეველი ექსტაზით გადაეცემა,
აგძნობებს თვის მუდმივ არსებობას და ადა-
მიანთა არა რაობას, რომელსაც კაცის აზრო-
ვნობა ვერც გამოარკვევს და აქ ბძოლაში
დამარცხებული სრულ პესიმისტურ მდგომარე-
ობაში ვარდება.

—მიზეზი კიდევ სხვაა, სხვა და მიუხვე-
დრელობა ქალის ჯინაანობის ნაყოფია...

ორი არსების ასეთ ულითად ლაპარაკს ყურს
უგდებდა ხომლის მთადან მოსისინე ნიაფი და
ძირს რიონი-ეს ცრემლები დიადი კავკასიონის
მთებისა, რომელიც უუპოვრათ მიდევალდა
და ლამაზ ნაპირებს გადაეცემა მთებიდან
და სოფლებიდან წძოლებულ ამბებს. ირ-
გვლივ-კი, მდიდარი მიდმო არე-მარენიც ლამ-
აზათ იხატებოდნენ მის ღაღებში, თითქო რა-
ლაცას აბარებენ კოლხეთთანაო. მაღლიდან, დი-
ადი ბაგრატის ტაძრის ზღუდენი, საიდუმლო და-
ნაბარებით, თვისი კედლების ნაწილებს, წვრილ
წვრილათ ატანდა ძველ ესაიდუმლე მეგობარს,
თინას ხელიდან გასროლლს.

—ნუ დანგრევე, თინა! ეს ყრუა, მუნჯი,
მარა ბევრის მნახველი-კი აქ მუდმივათ ენთო
ჩვენი ქვეყნის კულტურს ლამაზარი... ბევრი
საუკეთესო შვილი აზია აქ ჩვენ ქვეყანას.
აქიდან ეფინებოდა სინათლე და მაღლი ჩვენ
მხარეს და ახლა, როცა გვარკული მრავალ-
წელთა განმავლობაში ადამანის ბორტი ხელით,
როცა ჯერ კიდევ სრულია არ აღგვილა იგი,
ვალდებული ვართ, პატივი მოვეპყროთ ასეთ
დიად ნაშთებს.

—შენ მართალს ამბობ სანდრო, მართა-
ლს. მარა მე-კი, თუ მინდა ოვსპო ეს ნაშთი,
თუ-კი მინდა გავანადგუო ყოველივე...
აი, თუნდ შენც, რომ გადაჭაროლო აქიდან,
აი, იმ უფსკრულში, ძირს, იო შავი ტალღა
ტრიალობს, განა ამისი უღება არ უნდა
მქონდეს? აკი შენ თავისუფლებისთვის იბძ-
ოდი: ადამიანის ნება-უფლას უნდა ემო-
რჩილებოდეს ყოველივეო—იძახოდი შენ...

—კი, მართალია, მარა ადამიანის მოქმე-
დება უნდა იყოს შეფარდებლი ცხოვრების
პირობებთან, ჩემო თინა. ალბათა ოცნება

ოცნებათვე, მიუწლომელი რჩება. ეს შორეული საკითხია და, დეე, ჩვენ შორის ეს საკითხათვე დარჩეს. მე არ მინდა იმაზე ვიფიქრო, რაც ბევრ დროს დამარკარგვიებს. ახლა სულ სხვა მინდა, სხვა. მინდა გავიგონო სხვა სიტყვა, რომელსაც მე სიცოცხლეს შემძენს; ძალ ღონეს გამიასკეცეს და დამავიწყებს წარსულ ამოვებას; გამიასკეცებს შემ რწმენას და კვლავ გადაშენის გმირათ.

—კაცები სულდაბლნი ხართ, სანდრო, ძლიერ სულდაბლნი. მე მინდა გავიგო ძალა და ნება ადამიანისა და შენ-კი გინდა რალაცა სიტყვა გაიგონო, სიტყვა, რომელიც, ვითომდა შენ გადაგაკეთებს, შეგძენს ძალას უძლეველს... დარწმუნდ, თუ შენში იგი აღარ არსებობს, ანდა ოდესმე-კი განიცადა რყევა; იმის აღდგენა ძნელია და მეორე პირი აქ სათამაშო ტიკინა იქნება, ან ისიც არა. აი, შენ ღღეს ისევ ახალ ზნდა კაცი ხარ, ახალ-გაზდა, მარა ბევრის მნახველი-მომსწრე და გამოვიცთია კიდევ ყაველივე შენ თავზე და, თუ ახლა გარკვეული გზა არ გაქვს, თუ შენ დაგძლია ასე ცოტახნის განმავლობაშია ცხოვრების ამოვებამ, ალათ, ვერ მიმნდარხარ ადამიანის დანიშნულებს; იმას, თუ რისთვის მოგიწოდა შენ ცხოვრებამ, რამოვალეც ხარ შენ, შენწილიხვედრზე გა, თუ გძნობ, ალბათ, ხელს აფარებ ამ იარებს, იქნებ, შენდა უნებურათაც...

—ქალის გული ქვა არი, გძნობიერი, მარა უთქმი. გაიფიქრა სანდრომ. იმან თავი შეურაცყოფილათ იცნო. მარა თინას არა უთხრა-რა და, თითქო რალაცას ეძებსო, ირგვლივ დაკვირვებით მიმოავლო თვალი.

კარგა დიდი დრო იყო გადასული. სავსე თვარე ნელ-ნელა, „ქეფურათ“ მიტურავდა ცის ტატნობზე. მისი უზვი სინათლე ყოველივე წვრიმალსაც-კი ოქროსავით აფერადებდა. საუცხოო დიდებულ სურათს წარმოადგენდა ამ დროს ბაგრატის ნაგრევები და ირგვლივ მინგრეულ-მონგრეული მის ნაშთთა ნაწილები. აქ სრული სიჩუმე და მღუმარება მეფობდა, ხოლო თვალს აქა-იქ რალაც ლანდები წარმოუდგებოდა წინ, რაც აფიქრებებდა კაცს, თითქო ვილაც დადიოდა, ვილაც ათვალეირებდა რალაცას და თითოულ მათგანს კიდევ შინჯავდა ცალკე-ცალკე. დაწმენდილი ცა სარკე იყო ამდროს მისი მრავალ წლის არემიდამოსი, ხოლო

გელათის ტაძარი, რომელიც ახლაც, ამ თვარის სინათლეზე ისევ გარკვეულათ ჩანდა, მესაიდუმლე და მოზიარე მისი ძმა მეგობრის, აწ უკვე განადგურებული ბაგრატის ტაძრისა.

—აი, ხალხი, საქმის ხალხი! ადამიანთა ხელს, იმდენი რამე უკეთებია წარსულში, რომ მისი არსებობა კვლავ ხანგძლივი იქნება მომავალშიაც. აი, ეს გვირავიც... მართალია, სანდრო, თითქოს ეს ცივი, ყინულივით წყაროს წყალი, სპეტაკია ვით ცის გული, ქართველ ქალთა ცრემლები იყოს დედა-მიწის ზედა ნაპირზე დანთხეული და აქ-კი ყინვასავით ცივ ნაკადულათ გამოქუხდეს....

სანდრო, ამ დროს, სულ სხვა რამეზე ფიქრობდა, მისი ყურათლება და ოცნება სულ სხვაგან იყო გადაფრენილი, მას წუთით კიდევ მივიწყებოდა ქვეყნიური ამოვება. მარა, მოულოდნელმა საკითხმა გამოარკვია-გამოაფხიზლა მისი გძნობა-გონება და ის კვლავ შეახვედრა იმ საბედისწერო გზას, საითაც მისი ფიქრები, მიილტვოდა ამ რამდენიმე წუთების წინათ. კვლავ თინა, კვლავ მისი გულცივობა და მის კითხვებზე კვლავ სხვა სალაპარაკო საგანი.

—ჰო, მართალია... ესეიგი, გადმოცემა; თქმაა დარჩენილი, რომ ამ არე-მარეზე იმდენი ცრემლი დაუღვრია ქართველობას, ტანჯვა ვაების მნახველს, თუ მხურვალე მლოცველ ხელ აპყრობილ დედებს, რომ მისგან დიდი გუბე დამდგარა, რომელიც, უმეკემლია, დედამიწის გულშიც ჩადიოდა. დროთა განმავლობაში, მან გამოსასვლელი გზა გაიკეთა და ეს მღუმარე ცრემლები, დედამიწაში, რომელიც შენსავით გულცივია, ყინულათ აქცია და გამოსავალი გზა აქ, აი, იმ გვირაბის ქვეშ მონახა, რომ გამვლელ-გამომვლელთათვის გახურებული გული გაეგრილებია.

თინასანდროს, თითქო ყურსაც არ უგდებსო, ამდროს, მიწას ჩაჩერებოდა და მისი სხვერპლი, გასალიზიანებლათ ქვას ქვავზე ცემდა. სანდროს ამ მოულოდნელი და მკვახე პასუხით, იგი წელში გაიმართა, სანდროს თვალები შეაჩერა და, თითქოს იგძნო თვისი დანაშაული, სანდროს ხელზე ხელი მოუჭირა. აქამდი ის სანდროში ხედავდა ისეთსავე ადამიანს, როგორც იმას საზოგადო წარმოდგენა ქონდა მამაკაცებზე: ტკბილისიტყვები, ფიცი, ათასი სხვა რამ დამამკირებელი საშვალება და, ბოლოს, არაფერი. ახლა მის გულში სიბრალოულმა გაიღვიძა და თვისი საქციელის თვითვე მას შერცხებ.

—მაპატიე, სანდრო, თუ ყური ვერ გიგდე, ძალიან გამიტაცა ამ კარგმა ლამემ. ასეთი ლამეები ხომ იშვიათია და, აბა, ვის მხედველობასა და გონებას არ მიიპყრობს იგი.

—კი, ასეა. ასეთი ლამე და სილამაზე არემიღამოთა, რომელნიც საუცხოო სურათებს იძლევიან, ვის ყურათღებას არმიიპყრობს. მარა ნეტარება მათ, რომ ესენი დიდი ხანია არსებობენ, იარსებებენ კიდე და თავისებური მუსაიფითაც ართობენ ერთმანეთს. მარა ჩვენ ვმე? ყველა ესენი მე მაგონებენ წარსულს და ამ წარსულით ივლიან კვლავ, ამათ ასე უცხოვრიათ თავისებურათ აქამდი და ასევე იარსებებენ აწიც: ისინი აღარას ფიქრობენ, არც თავის თავზე, არც სხვებზე და შეყურებენ აღამიანთ, ისე გულცივით, როგორც შენ—მე. აი, ეს სურათები საკმაო გაგვეთილია; მიეცეთ ხელი-ხელს და ხანმოკლე ჩვენ სიცოცხლეში ვიაროთ ცხოვრების ველზე ერთად...

სანდრომ შუბლზე ხელი გადისვა, თავი მალლა აწია; თმები შეისწორა, ძალღონე მოიკრიფა და მოემზადა უფრო ვარკვეულათ ეთქვა, თუ საჭიროთ დაინახავდა თინასთვის ის, რასაც აქამდი გაკვირით მოქმედობდა და, რაც მას საკმაოთ მიიჩნდა ახალ გაზდა ქალის მისახიდ საშემოლებათ.

თინა წინათაც გძნობდა, რომ სანდროს გულში, მას ბინა ქონდა მოკალათებული და აი, ახალაც, ამ წუთშიაც, ყოველივე სანდროს მოძრაობა, თუ გულის თქმაც ამას გამოხატავდა. მარა თავს შორს იჭერდა და ცთილობდა ლაპარაკის საგნათ სხვა რამ წამოეყენებია, მარა ამ ხანათ თინა რაღაც უძლურათ გძნობდა თავს და სანდროც ადვილათ ახერხებდა მის შეჩერებას.

—ჩემთვის მხოლოთ ერთი და უკანასკნელი საკითხი ტრიალობს ახლა და გთხოვ, ჩემს სიტყვას უგდო ყური. მარა არ გიწვევ მარტო მოსასმენათ... არა... მე მინდა ჩემი სურვილი დაკმაყოფილებული იყოს, ქალური გულ-გრილობით-კი არა, არამედ ისეთივე აგზნებული სიყვარულით, ისეთივე აღსაესე იმედებით, როგორც მე მაქვს ახლა წარმოდგენილი. ეს სიტყვები გულის ძგერით და აკანკალებული გამოთქმით უთხრა სანდრომ თინას და სმენათ გადაიქცა.

—არ ვიცი, ემაწვილო, რაგინდათ თქვათ. ჩვენ დღემდისაც კარგახანია ვცნობთ ერთ

მანეთს, მარა დღეს-კი რაღაც უჩვეულოთ მეჩვენებით. ჩვენ დაახლოვებულიცა ვართ და თითქმის მეგობრებიც და საკვირველათ მიმაჩნია, თუ რაუნდა იყოს ჩვენ შორის სათქმელი, ესე იგი, დღემდი დამალული?

—ესაა თქვენი თანაგძნობა ჩემდამი; სიყვარული-შენი ხელი. ჩემზე მოცემული, უტყუარი სიტყვა, რომ მე და შენ ერთმანეთს ვეკუთვნიით სამუდამოთ. აი, რა არი დაფარული და რა ვერ გვითქვამს დღემდი.

—სასურველი იყო არც ახლა მეთქვა, მიტო-კი არა, ვითომც მინდოდეს უარი გითხრა, არა! მიზეზი ისაა, რომ მე სწავლა მინდა, ცოდნა. მე დარწმუნებული ვარ, ეს სწავლა, ეს ცოდნა, რაც დღემდი შემიქნია, მხოლოთ დასაწყისია, რომ მოემზადოს კაცი. და, რომ ცხოვრების ჭირ-ვარამს ძლიოს, ამისთვის მეტი ცოდნაა საჭირო. და-რა-კი საამისო შეძლება ამხანათ არა მაქვს, ამიტოა გადავწყვიტე შეგიდგე მასწავლებლათ, ავილო კერძო გაკვეთილები ვიმუშაო, შევაგროვო რამე და ისე ვისწავლო. მე არ ვეტყობი სხვა ღროს თქვენ წინადადებას უარს მარა ახლა-კი.

სანდრო ჩაფიქრდა... ის სევდამ მოიცვა და თინას სახეში ჩააჩერდა.

—არაა ცუდი მოსაზრება, მარა შენით მე სრულიათ კმაყოფილი ვარ.

—მარა მეც ხომ აღამიანი ვარ? მე მინდა ჩემი სურვილი დავაკმაყოფილო და, თუ ამის დასაკმაყოფილებლათ ძალიან ცოტა საშვალება მაქვს, გარდა ცალიერი სურვილისა, როგორც ეს თქვენც იცით, მარა ვცთი-კი. ცთა ჩემი ბედის მონახევრე იქნებოდა. ვინ იცის, ასეთი სურვილი, იქნებ, სრული გამარჯვებითაც დაგვირგვინდეს.

—ვთქვათ, ასეც მოხდა! რას მიაღწევ შენი სწავლით. თქვენ-გინდათ მოემზადოთ ისე, რომ საზოგადოებას მოუტანოთ რაიმე სარგებლობა, თუ...

—არა, მაგრე შორსაც ვერ გავიწევ, თუ-მცა სურვილი დიდი მაქვს... ჯერ პატარადან ჯობია დაწყება, აი, თუნდ ბებია გავხდე, ან კბილის მკურნალი. ამ გზებამდი არც ისე დიდი მანძილია გასავლელი.

სანდროს სახე თანდათან გადაიწმინდა. დაღვრემილობის ალაგი სამხიარულო ელფერმა გადაფარა, მასაც მოეწონა ქალის მიზანი და გულში კეთილმა აზრმა გაურბინა.

—ჰმ! კარგია.—თქვა თავისთვის და თინას კვლავ ახლოს ჩააჩერდა თვალებში.

თანა! მე ვიკისრებ იმ ფულის ვალებას, რაც შენ ამ მიზნის მისაღწევად დაგვირდება, ვფიქრობ, შეეძლება ამას და, თუ ვერ შევძელი ოჯახი, მამაც დამეხმარება. მით უმეტეს, რო თქვენი განზრახვა სიმპატიურია.

თანა მოიღუშა, მის სახეზე მოწყენილობის ელფერმა გადაიარა და სანდროს ხელს ხელი გამოაცალა. ეს ორი არსება ერთმანეთთან თითქმის კარგი დაახლოვებული მეგობარი იყო. ხშირათ უვლიათ ერთად, როგორც სხვებთან, ისე მარტოთაც და ერთმანეთისთვის ბევრი რამ გაუხიარებიათ თავიანთ ფიქრებიდან, როგორც ორივე მასწავლებელი და აგრეთვე მოწაფობის დროსაც, დახლოვებული ნაცნობები. ერთი მათგანი სანდრო, როგორც უფრო დიდი ხნის მასწავლებელი და მეორე-კი სულ ახალი ფეხშემბიჯებული ამ სარბიელზე, რომელიც ახლაც აპირებდა ამ გზის ჩამოცილებას და მიისწრაფოდა უფრო სხვა გზისკენ. ასეთმა ორი ადამიანის ნაცნობობამ სულ სხვა სეხე მიიღო და, რასაც წინათ გაუფთხოვდნენ, ახლა უკვე დადებით საკითხათ გადაქცეულიყო და ამისი ნაყოფი იყო, სანდროს მხრით პირველი წინადადება. მარა თინასთვის ეს საკითხი ჯერ სრულიათაც არ დამდგარიყო და მით უმეტეს, მისი გული ამ უკინასკნელისკენ სრულიათაც არ მიწევდა ამ მხრით. ამიტომ იყო, რომ ეს წინადადება და თვით დახმარების საკითხი, ისე აირია ერთმანეთში, რო ვერც-კი გამოკვეთილიყო; ვერ მოეფიქრა, რა ეთქვა. თანხმობაც არ იყო, ისე ადვილი მისთვის; თავის დამცირებათ მიაჩნდა, არა და, რო მოეფიქრა და მერე მიეცა პასუხი, საამისო დროც ძნელი გამოსაცხადებელი იყო

—ეს მეტი-მეტია, ყმაწვილო, ამდენს ვერ დაგვალებ და, გთხოვთ, ხელი აიღოთ თქვენ განზრახვაზე: მე ჩემი მდგომარეობა—სურვილი ავიხსენოთ და ეს არი, სხვა დროს, მე იქნებ ბედნიერთაც ჩამეთვალა თავი თქვენი წინადადებით. მარა ახლა-კი ვერ წარმომიდგენია, რატომ უნდა შეგაწუხოთ ასე, რათ უნდა დაგსაჯოთ.

—მე არამგონია, ეს სასჯელი იყოს. ეს კეთილი სურვილია თქვენ დასახმარებლათ და,

მეორეც, ხომ ეს დახმარება ჩვენსავე შეძენა ცოდნაზე მიდის. ამით ხო სხვა არ ისარგებლებს და, თუ ამას-კი მოვაწყობ მე, თქვენ საწინააღმდეგო რა უნდა გქონდეთ?

—არა, მარა... ჰო, მომეცით დრო მოეფიქრო.

რატომ! შეიძლება, მარა იმ პირობით, რომ... ა... ხო ჩემი იქნები, ჩემი... ჩვენ ხომ ერთად შევებძოლებით ჩვენ ხვედრ-ბედ-უბედობას, ვიშრომებთ და ვიცოცხლებთ, ჩვენთვისაც-კი არა და სხვისთვისაც... მითხარი, ბარემ. მე გთხოვე, მოსაფიქრებელი დრო მოგეცათ. აკი შემპირდით კიდევ?!.. კი—თქო..

სანდროს სიტყვა გულწრფელი იყო და ამიტომ, უნდოდა მალე მიეღო პასუხი თინასგან. მარა თინას გაურკვევლობა-გაუბედაობა ჩაგრაგდა მას და ამიტომ ცთილობდა, რო სასურველი სიტყვა ახლაც გაეგონა და თინას სახეზეც ამოეკითხა თანხმობა და, როცა სანდროს თვალები ამ მიზნის გამოსაცნობლათ ელექტრონის ასანთის საშვალეებით მოულოდნელათ შეხვდნენ თინას თვალებს, სანდრომ მათში ცრემლები შენიშნა და სახეზეც მოკრძალება ამოიკითხა. ამან მას გული დაუსერა, მარა ყველა ეს ქალური მორცხვობის ნაყოფათ მიიღო და მოულოდნელათ თინა თავისკენ მიიზიდა.

—არა... მე ჩემი სიტყვა ჯერ არ მითქვამს. ამას, მერე ვიტყვი... ეს თქვა თინამ ძლივს გასაგონათ, თვალები ამოიწმინდა და ასადგომათ წამოიწია. სანდრომ ველარა უთხრა-რა თინას, რათგანც ისიც ღელავდა და დალაგებული ლაპარაკიც ამ ხანათ შეუძლებელიც იყო. ხოლო თინა ბინამდი მიაცილა და, გამომშვიდობების დროს, თინასგან გამოწვდილი ხელი, გძნობით ჩაკოცნა და გულში ჩაიკრა.

II

შემოდგომის ერთ შვენიერ ღლეს, სხვებთან ერთად თინასაც მიაქანებდა თფილისისკენ მატარებელი. თფილისი, ეს უცხო მხარე იყო თინასთვის და ფიქრობდა, თუ, ქუთაისთან შედარებით, იგი სამოთხე იქნებოდა, ხოლო ქუთაისის ნაცვლათ, საიდანც იგი გულ-მხურვალეთ გამოაცილეს ღარიბმა მშობლებმა. ამხანაგებმა და თვით სანდრომაც, ვინ მიიღებდა აქ, ამ ახალ ქვეყანაში, ან ვინ გაუწევდა ამხანაგობა-მეგობრობას, ეს-კი აფიქრებდა.

თუმცა ერთ-ორ თავის ნაამხანაგართ-კი მიწე-
რა თავის გულის წადილთან ერთად წასვლის
დღეც. მარა ახალ გაზდა ქალის გული; ამით
ვერ კმაყოფილდებოდა და თვითაც არ იცოდა,
რას ფიქრობდა... მარა ბევრს-კი თხოულობდა
საზოგადოებისგან, ბუნებისგანც და კიდევ, ვინ
იცის—ვისგან. ასეთი ფიქრებით ვართული,
იგი ჩამოხტა თფილისის სარგურზე და ის იყო
ბაქანზე მიმოიხედა უცხომ, მას მოულოდნელათ
გადაეხვია ერთი მისი ნაამხანაგართაგანი—მაშო
და გადააკოცნა. ეს იყო, რომელსაც წერილი-
თაც აცნობა თინამ წასვლის დღე. მაშოსთან
კიდევ იყო ერთი, ორი სხვა ქალი და კიდევ
რამდენიმე ყმაწვილიც, რომელნიც სათითაოთ
გააცნო მაშომ თინას, რომელთა შორის, მხო-
ლოთ ერთმა-სანდრომ მიიქცია მისი ყურათლ-
ება. ეს ყმაწვილი მეტათ ლამაზი და მომხიბ-
ლავი იყო გარეგანი შეხედულებით. ახალგაზდა
კაცსაც არ გამოეპარა ქალის მხრივ ყურათლ-
ების მიქცევა და შესაფერი ჯენტლმენური იე-
რით ჩაანათა ფართე შავი და მომხიბვლელი
თვალები თინას დაღლილ და მკრთალ, მარა
სიმპატიურ სახეს და ეს ასე ხდებოდა, ყოველ
შეხვედრის დროს.

გავიდა დრო. თინას ოცნებას ფთები
შეეკვეცა. ის მოლოდინი, რომ თფილისის მის-
თვის სამოთხე იქნებოდა და ის მასში აფაო-
ვანებული ლალი მოფრიალევ, არ გამართლდა.
გამართლდა მხოლოდ ის, რომ ყველაზე უფრო
გულმხურვალეთ ის ახალმა სანდრომ მიიღო,
იმ სანდრომ, რომელმაც მაშოსთან ერთად შე-
ხვდა სადგურზე და ხშირათ თფილისის მოდუ-
ნებულ ცხოვრებით გულ-გატეხილი, როცა
ფიქრებს მიეცემოდა და ამ ფიქრებში ლანდე-
ბათ გაივლიდნენ ქუთაისიდან გამოყოლილი
ტკბილ მოსაგონარი სურათები და იქ მასთან
დაშორებული სანდრო გუნებთანის ნაღვლიანი
სახე, ამდროს, ახალი სანდროც აიტუზებოდა
მის წინ და ხშირათ ასეთი წარმოდგენა სინა-
მდვილეთაც გადაიქცეოდა ზოლმე. ამის შემ-
დეგ, ძულდა კიდევ ეს წარსული მოგონება,
მოგონება იმისი, რომ იმას არსებობის—სწავ-
ლის საკითხი აკავშირებდა, ვითომდა თავის
არა სასურველ პირთან, რომელიც, მისი წარ-
მოდგენით, ხსენებათაც-კი არ ღირდა. თინას
ასეთი შეხედულება, ჩემი ფიქრით, უფრო
სანდრო გუნებთანის კეთილმა განზრახვამ,
ესე იგი, დახმარებითი საკითხის სურვილმა

წარმოშვა თინას ოცნებაში, თორე, რომ
ეს ლითონი არ გამხდარიყო მათ სამერმისო
დამაახლოვებელ საგნათ, დარწმუნებული ვარ,
მათ შორის მტკიცე სიყვარულის კვანძი იქნე-
ბოდა. დიახ, ასე ყოფილა ცხოვრებაში. ეს
შეხედულება თანდა-თან იზდებოდა და მისი
სიცოცხლე მოსაბეზრებელი იქნებოდა მისთვის-
სვე, რო სანდრო, ეს ახალი სანდრო, რომე-
ლიც თფილისის სადგურზე გაიცნო, ხშირი
სტუმარი და გამართობი არ ამოჩენილიყო მი-
სთვის.

თინას თან და თან ავიწყდებოდა ქუთ-
აისი, იქაური სანდრო, რომლიდანც ყოველ
თვე ღებულობდა ოცდა თუთხმეტ მანათს, შე-
საფერი წერილებით, რომელზეც ის მხოლოდ
ორიოდე სიტყვით, თუ უპასუხებდა, უფ-
რო იმისთვის, რომ შემდეგ თვეებში მიეღო
ფული, თორე, ისე კიდევ მალავდა ამ ამბავს
და წერილებსაც უმალ მოსპობდა, რომ სხვას
არ გაეგო. ბოლოს, იმ ზომამდის მივიდა საქ-
მე, რომ თინა უსანდროთ ვეღარ ძლებდა.
იმის დღიური და სულიერი საკითხი სანდრო
და ინსტიტუტი იყო. მარა ეს სახელი მას ეჩო-
თივებოდა. მოისურვა კიდევ შეეცვალა თავისე-
ბურათ, რაიც არც სანდროსთვის დაუმაღლავს
და გულის ფანქცალით, მარა გაბედულათ
მიაძახა სანდროს შეხვედრის თანვე:

- შე, სანდრო, უნდა მოგნაოლო შენ;
ნუ გქვია სანდრო, გერქვას სასო!

—თუ შენთვის ასე ჯობს, ა, ბატონო.
ამითი ზიანი არ მოეღოს ქვეყნიერებას.

თინამ კმაყოფილათ ჩათვალა თავი და ხე-
ლი გაუწოდა სასოს.

—რა კარგი დღეა. შეიძლება გაზაფხუ-
ლის შეგნებათ ჩაითვალოს, მეტადრე მომამბეზ-
რებელ და სუსხიან ზამთრის დღეების შე-
მდეგ.

—მართალს ამბობ, თინიკო; ზამთარს,
რო გაზაფხული არ მოდევდეს, ესე იგი, დღეს-
ხვალე, ადამიანის ცხოვრება-სიცოცხლეც მო-
საწყენი იქნებოდა. მარა დრო დროს ცვლის...
ადამიანის გული და თვალიც ამას ადვილათ
ჩევივა და ასე ცხოვრება თან-და-თან რთულ-
დება.

(შემდეგი იქნება)

ა. ხაბულიანი.

სხვა და სხვა ამბავი.

ბერლიდან იტყობინებიან: გერმანიის ნოტაში, რომელიც ამერიკის ელჩს გადაეცა, ნათქვამია: გერმანიის განსაკუთრებულის გულხმიერებით მოეციდა სენატისადმი ვილსონის მიმართვას, რათგანც ესმის აღძულ საკითხების ამა, თუ იმ დადგენილების მიღების მნიშვნელობა. ამასთანვე გერმანიის მთავრობა აცხადებს, რომ განუსაზღვრელ სიამოვნებას ვგძნობ, რომ ამ დიდმნიშვნელოვან პოლიტიკურ გაცხადების ძირითადი მუხლები გერმანიის სურვილებს და პრინციპებს ეთანხმება. უპირველესათ უნდა აღვიაროთ უფლება ყველა ეროვნებათა თვითგამორკვევისა და თანასწორობის. გერმანიის გულწრფლათ შეეგებებოდა ასეთ დებულებას, თუ, მაგალითად, ინგლისის ინდოეთი, რომელიც დღეინდლამდი მოკლებულია პოლიტიკურ დამოუკიდებლობას, თავისუფლობას ეღიარება. გერმანიის თავდებად უდგება თავის ხალხს, რომ იგი ჩაერვა საზოგადო მუშაობაში, რომ მერმისში თავიდან აცილებულ იქნას ომიანობა. თავისუფალი ზღვა და ყველა ეროვნებისთვის თავისუფალი აღებ-მიცემობა მუდამ გერმანიის პოლიტიკის ხელსამძღვანელო პრინციპები ყოფილა. მით უფრო მეტი მწუხარებით აღვნიშნავთ მოპირდაპირეთა მტრულ დამოკიდებულებას მშვიდობიანობის დამყარების საქმეში, რაც შეუძლებლათ ხთის თელი ქვეყნის ერებისთვის ამ უმაღლეს მიზნის გახორციელებას. გერმანიის და მისი მოკავშირენი მზათ იყვენ საზავო მოლაპარაკებას შედგომოდენ და თავის ძირითად მოთხოვნილებათ დასახელებს—თავისუფალ არსებობის, სახელისა, და თავის ერთა უზრუნველყოფა. მათ გააცხადეს, რომ განძრახვა არა აქვთ გასრისონ და განადგურონ მოპირდაპირენი. ასეთი განზრახვანი, ცენტრალ სახელმწიფოთა აზრით, სხვა ეროვნებათა უფლებას არ შეეფერებოდა. ბელგეთის შემოერთება არაოდეს არ ქონია განზრახული გერმანეთს, რომელიც ომის შემდეგ ბელგეთსთან შეკავშირებით ერთებოდა მხოლოთ კეთილ-მეზობლური გაწყობილება ქონდა და შეუძლებლათ გაეხადა მოპირდაპირის მხრივ ამ ქვეყნის გამოყენება

გერმანიის საგნებლათ. ასეთი სიფთხილგ მა უმეტეს საჭირო იყო გერმანიისთვის, რომ მოპირდაპირე სახელმწიფოთა წარმომადგენლებს არა ერთხელ გაუცხადებიათ, რომ ზავის ჩამოგდების შემდეგაც, ვითომც უმაღლესი ეროვნული მოსაზრებით, არ მოიშლიან ჩვენთან გაწესრიგებულ ბძოლას. გერმანიის მტრებმა გამოამყლანეს ომის ნამდვილი მიზანი—დაქუცმაცება და შერცხვენა გერმანიის, ავსტრიის, ოსმალეთისა და ბულღარეთის. ჩვენ მშვიდობიან განძრახვას მათ დაუპირდაპირეს ჩენი განადგურების სურვილი. ამგვარათ, ახალი ვარემობა შეიქნა, რომელმაც ახალი გადაწყვეტილება მიალბია.

ნოტაში, შემდეგ, ნათქვამია: ინგლისის ფლოტს თვისი ძლიერებით სურს დაიმორჩილოს გერმანიის დამშვეით. ინგლისის მეთაურობით, რამდენიმე სახელმწიფოს კავშირი ხებრეთ არღვევს საერთაშორისო უფლებებს და ხელს უშლის არა მარტო თავისუფალ აღებ-მიცემობას თვისი მოპირდაპირებისას, არამედ უსინდისოთ აიწროვებს ნეიტრალ სახელმწიფოებსაც ჭ ვასაქანს არ აძლევს აღებ-მიცემობაში. ამერიკელს ხალხს მოეხსენება, თუ რაოდენი შრომაა დახარჯული, რომ ინგლისს და მის მოკავშირეებს საერთაშორისო უფლებანი აღასრულებიოს, თავისუფალ ნავოსნობის კანონისთვის პატივი აცემინოსა ინგლისის მთავრობა მაინც ჯიუტობს დომის განგძობას აპირებს სრულ დამშვეამდი. თუმცა ეს მათ მოპირდაპირის საშხედრო ძალას არ ასუსტებს, მარა მათ ბავშვებს, დედაკაცებს, მოხუცთა და სნეულთ ათას ნაკლებულებას განაცთვეინებს, რაც ეროვნულ ძალღონეს საფთხეს გაუმზადებს. ინგლისის ბატონობა უსულგულოთ ხელს უწყობს ახალ ახალ ტანჯვის ზდას და ანგარიშს არ უწევს ადამიანობის მოთხოვნილებას და ნეიტრალ სახელმწიფოთა პროტესტს. საშინელ ომს ყოველ დღე თან მოაქვს განადგურება, აკლება ტანჯვა და სიკვდილი. გერმანიის მთავრობა თავს ვერ ვაიმართლებდა თვისი სინდისისა, გერმანიის ერისა სამართლის, და ისტორიის წინაშე, რომ ყოველი საშეალება არ ეხმარა ომის დასასრულის დასაჩქარებლათ. გერმანიის იმედოვნებდა ამ მიზნისთვის მოლაპარაკების

გზით მიეხწია, მარა, რა-კი მოპირდაპირემ, უარი განაცხადა, იგი იძულებულია ადამიანურ უმადლესი პრინციპების გულისთვის განაგძოს მოპირდაპირეთაგან თავზე მოხვეული ბძოლა არსებობისთვის, ყოველი შესაძლებელი საშვალებით. ამისთვის იგი იძულებულია მიმართოს ყოველგვარ საომარ საშვალებას, რაც-კი გააჩნია საზღვაო ბძოლას საწარმოებლათ და იმედი აქვს, რომ ამერიკელი ხალხი და შტატების მთავრობა მიხედვებიან ასეთი გადაწყვეტილების მიზეზსა და აუცილებლობას. გერმანიის მთავრობას იმედი აქვს, შეერთებული შტატები ღირსეულათ დააფასებენ შექნილ გარემოებას და სრული მიუდგომლობით ხელს შეუწყობენ ადამიანის სიცოცხლის გადარჩენას, რომელიც შესაძლებლათ მიგვაჩნია. გერმანიის მთავრობა ელის, რომ ამერიკის მთავრობა გააფთხილებს ამერიკულ გემებს, რომ ერიღონ გარემოცულ ადგილებსა და ნავთსადგურებს შვა მიმომსვლელ გემებს, რომელნიც საქონელსა და მგზავრებს ეზიდებიან.

ნოტას ხელს აწერს ციმერმანი, დართული აქვს ინგლისის გარემოცულ ადგილებისა და საფრანგეთის ხმელთაშვა ზღვის სანაპიროების რუქა.

ვენიდან იტყობინებიან: ავსტრი-უნგარეთის მთავრობამაც ისეთივე ნოტით მიმართა ყველა ნეიტრალ სახელმწიფოებს, როგორც გერმანიეთმა.

თეირანიდან „ბ. ვ.“-ს ატყობიებენ. მოკავშირეთა მტრების გავლენით, სპარსეთიც ამოძრავდა და უილსონის წინადადებას გამოეხმაურა. ისეთი გაზეთებიც-კი, რომელნიც რუსეთ-ინგლისის მიმართ თავდაქერილ კილოთი წერდენ, ახლა სხვა ჰანგზე ჩივიან. ეს გაზეთები ანიშნავენ სპარსეთის უნუგეშო მდგომარეობას, რომელიც შინაურ მოუწყვსარიგებლობით-კი არ არი გამოწვეული, არამედ ომიანობის მძიმე გავლენით.

თეირანში კრება კრებაზე იმართება, სადაც სპარსეთის მთავრობას ურჩევენ, აუცილებლათ, ოფიციალურათ მიემხროს უილსონის ნოტას, რომ მომავალ საზაო კონფერენციაზე სპარსეთსაც სხვა ნეიტრალ სახელმწიფოებთან

უფლება მიეცეს თავის ბედის გამოსარჩილებისა. პეტრიკის ავტორნი ურჩევენ მთავრობას, დაუყოვნებლივ გაუგზავნოს უილსონს ნოტის პასუხი იმ იმედით, რომ შეერთებული შტატები, რომელიც პატარა სახელმწიფო მოსარჩლეთ გამოდის, სპარსეთის მთლიანობასა და დამოუკიდებლობასაც გამოესარჩლება და აგრეთვე შეეცდება სპარსეთს აუნაზღაურდეს ომიანობისგან მიყენებული ნავთიერ-ზნეობრივი ზარალი.

ინდოეთის უკიდურეს მემარცხნე ნაციო ნალურმა კამიტეტმა სამადლოპელი დეპეში გაუგზავნა უილსონს. კამიტეტი სახარულით ეგებება უილსონის სამშვიდობო პროგრამას. კამიტეტი დაიმედებულია, რომ ამერიკა ხელს შეუწყობს ინდოეთის მომავალ თავისუფლებას.

— საზოგადო ორგანიზაციებიდან ებრაელების განდევნა. გაზ. „რეჩის“ ცნობით, ახალი განკარგულება გამოვიდა, რომელის ძალითაც საქალაქო და საეროებო კავშირებიდან ყველა ებრაელი, გარდა ექიმებისა და ფერწილებისა, დათხოვნილ იქნას და, მათ მიგიერთ, სხვა სარწმუნოების ხალხი მიიღონ.

უწ. სინოდის ობერ პროკურორს რაევს იმედი აქვს, კანონის 87 მუხლის ძალით, გადადების 160 მილიონი მართლმადიდებელ საღვდელოების უზრუნველსაყოფათ.

ეკატერინოსლავის გუბერნატორის ბძანებით, დაიხურა უკრაინელთა საზოგადოება „პროსვიატ“. მიზეზი გამოურკველია.

ადესაში აპირებენ ქების გაკეთებას. წყალს აქამდი მცხოვრებნი დნესტრიდან ღებულობდენ.

საამისო ხარჯთ-აღრიცხვა უკვე შეუდგენიათ. გადაუღვია ქების გასაკეთებლათ ხაზინას 250 ათასი მანათი.

8 იანვარს თფილისში, სამხედრო მუზეუმის შენობაში, გოლოვინის ჰროსპეტზე, გაიხსნა გამოფენა ძველ ქართულ საეკლესიო ფრესკებისა, რომლებიც ქართველმა მხატვრებმა წარსულ საფეხულში გადმოიღეს სოფელ ნაბახტევის (ზემო ქართლი) ძველი ეკლესიის კედლებიდან. გამოფენამ აუარებელი ხალხი მიიზიდა. სხვათა შორის, ბძანდებოდენ თავად-ანხაურთა მარშალი, სახელმწიფო საბჭოს წევრი, თავ. კ. ნ. აფხაზი, ქალაქის მოურავი ა. ი. ხატისოვი და სხვა. ამ დღის შემოსავალი უდრის 600 მანათს. ერთმა კაცმა გადაცა მოლარეს ასი მანათი, შეწირულობის სახით. როცა კითხეს, ვისგან არი შემოწირულება, შემომწირველმა არაფერი უბასუხა და მიიმალა. გამოფენის გახსნის დროს, ბ-მა ექ. ს. თაყაიშვილმა რეფერატი წაიკითხა ფრესკების მნიშვნელობის შესახებ. გამოფენა ორ კვირას გასტანს. გამოფენის მიმოხილვა და ბ-ნი ე. თაყაიშვილის რეფერატი ამ დღეებში იქნება დაბეჭდილი.

12 იანვარს სხდომა ქონდა ქართულ საქველმოქმედო საზოგადოების მთავარ გამგეობას. სხდომაზე მიწვეულ იყვენ და დაესწრენ წერაკითხვისა და საეთნოგრაფიო საზოგადოებათა წარმომადგენელნი. განხილულ იქნა საქველმოქმედო საზოგადოების რწმუნებულის ბ-ნი კობახიძის მოხსენება, ლაზისტანის საქიროებათა შესახებ. მაგალითად: სურსათისა, ქართულ სკოლებისა, სამკურნალო დახმარებათა, თავშესაფარებისა, სხვადა სხვა საწყობისა და სხვა. კრებამ მოიწონა მოხსენება და იმაში აღნიშნულ მუხლების თანდათანობით გახორციელება მიუცილებელ საჭიროებათ ცნო. დადგენილ იქნა, გასაკუთრებულ დეპუტაციის პირით ყოველგვარი-

დახმარება თხოვოს კავკასიისის უმაღლეს მთავრობას, ხოლო ფაქტიური ცნობების შეკრება ლაზისტანის შესახებ მცოდნე კაცებს მიანდო.

ქართულ ძველ საეკლესიო ფრესკების გამოფენაზე ორთაშვა რიცხვით, ყოველ დღე, დაიარება გამოფენაზე 100-150 კაცი, რომელნიც შესვლის ფულს იხდიან; უსასყიდლოთ მნახველები (გლეხები, ჯარის კაცი და მუშები) ზედმეტია. უცხო ქვეყნელები აღტაცებაში მოდიან ფრესკებით, გულდასმით სწავლობენ მათ და თავიანთი ჩაბეჭდილების შესახებ წერილებს გზავნიან ფრანგულ და ამერიკულ გაზეთებში. ერთმა ამერიკელმა გააცხადა, რომ ამერიკაში, რო გამოგეფენათ ეს ფრესკები, დიდ ჩაბეჭდილებას მოახდენდა იქაურ საზოგადოებაზეო. ზოგიერთი უცხოელნი ფრესკების ასლს თხოულობენ და ფულს იძლევიან. მარა ასლი ჯერ არ მოიპოვება. გამოფენის ვათავების შემდეგ, ხელოვანთა საეთნოგრაფიო საზოგადოებას აზრათ აქვს ფრესკების ასლი გადაიღოს გასასყიდლათ, რაიცა დიდ შემოსავალს მიცემს ხელოვანთა საზოგადოების კასას.

„საქართ“ თანამშრომელს, დ. ჩ—ნს, ფინლანდიაში მყოფს, წარსულ თვეს შემთხვევა ქონდა გაკნობილიყო ფინეთის ცნობილ პროფესორს ბ. მიკკოლას. პროფესორი მიკკოლა, თურმე, ფინეთში ერთადერთი კაცაა, რომელმაც ჯვარიანათ იცის საქართველოს ვითარება. ფინურ ენციკლოპედიაში საქართველოს შესახებ მისგან მიწოდებული ცნობებია მოთავსებული, მეტათ შინაარსიანი და სწორი. პროფესორი მიკკოლა კარგინაცნობი ყოფილა, აწ განსვენებულ პროფესორ, ალ. ხახანაშვილისა. გახარებული ქართველის ნახვით პროფესორს მაშინვე მიუმართავს „საქართ“ თანამშრომელისთვის შემდეგის კითხვითა: დღეინდელ ვითარებაში ქართველი ერი რამდენათ იჩენს ბიოლოგიურ ცხოველმოქმედობას? რამდენათ გაიდგა ფესვები ქართველობაში ვაქრობა-მრეწველობის საქმემ? ქარველ მოდევმათა შორის რა ნაირათ გავრცელდა ქართული ენა და გარდაიქცა, თუ არა იგი საერთო ეროვნულ ენათ? და, როდესაც დ. ჩ—ნისგან ყველა

შეკითვაზე სანუგეშო პასუხი მიიღო, ნასიამო-
 ვნებმა და გახარებულმა მიკკოლამ უთხრა:
 „მომავალი თქვენი, ძმანო ქართველნო! აქვენ
 დიდგბულს წარსულს ვიცნობ და ამიტომ და-
 რწმუნებული ვარ, რასაც გეუბნებით. ეცადეთ
 უფრო გაიღრმავოთ და გააერთიანოთ თქვენი
 რეალი ეროვნული მოქმედობა. ეცადეთ აქარა-
 ლაზისტანი, ეს ძველი ჰლიდარი და ფრიად
 მნიშვნელოვანი თქვენი მხარე კვლავ დაუბრუ-
 ნოთ საქართველოს, თუ დიდი მომავალი გსუ-
 რთ თქვენს ქვეყნისა. გისურვებთ ამ მიზნი-
 სთვის მალე მიგაღწევენოთ ღმერთმა!“ — ეს
 სიტყვები, — იწერბა დ. ჩ. — ნი, — პროფესორმა
 მიკკოლამ ისეთი რწმენით, წრფელი სიყვარუ-
 ლით დი სრულის იმედით წარმოთქვა, რო ტა-
 ნში ჟრუანტელმა დამიარა და აფრთოვანებული
 გამოვემშვიდობეო...

პეტროგრადიდან თფილისს დაბრუნდენ
 პარ. გოთუა და ნ. წვერავა და თან ჩამოიტანეს
 ფინანსთა მინისტრის მიერ ხელმოწერილი და
 დამტკიცებული წესდება „ამიერ კავკასიის სა-
 ვაქრო-სამრეწველო ბანკისა“. 29 იანვარს
 კერძო თათბირი ექნებათ ამ ბანკის საორაგა-
 ნიზაციო კომიტეტს და აქციონერებს. მარტის
 პირველ რიცხვებში უნდა მოხდეს ბანკის
 აქციონერების საზოგადო კრება, რომელიც
 აირჩევს საბჭოს და გამგეობას და ბანკიც
 მოქმედებას დაიწყებს.

წინაობას, პეტროგრაღში, ქართულ მრეველის
 გახსნაზე, ქართულათ მწირველნი ბძანდებოდენ:
 ყოვლათ საღვედლო კირიონი, ეპისკოპოზი პო-
 ლოცკელი, ანტონი გორელი, წინამძღვარი
 სტარო-რუსის მონასტრისა არქიმანდრიტი ამბ-
 როსი (ხელაია) და პეტროგრაღის ქართველ
 მრეველის ღვედელი იოს. ჩიჯავაძე. მამა ჩიჯავ
 აძე, მის გასაკუთრებულ მდგომარეობის გამო,
 უწმიდეს სინოდის მიერ, მკერდის ჯვრით იქნა
 დაჯილდოვებული. ქართველთა მრეველის გახ-
 სნა სავსებით მიტროპოლიტ პატრიმის საქმეა.
 ამისთვის მისს ყოვლათ უსაღვედლოესობას
 ბევრი უსიამოვნობაც გადახდა ვოლჟინის
 დროს.

იმ ნავთიან ადგალების კონცესიების გარ-
 და, რაც უკვე აღებული აქვს ბ. აკაკიმ — ძე ხოშ-

ტარიას, ამ უკანასკნელმა კიდევ მიიღო
 ახალი კონცესია, როგორც ნავთიან ადგილე-
 ბისა, არდებილის ოლქში, ისე ყოველგვარ
 მადნეულობისა გილიანის, მიზანდარის, ასტ-
 რაბაბადის პროვინციებში და არდებილის ოლ-
 ქში. ამ გვარათ, კონცესია ყველა მადნეულო-
 ბისა, რაც ჩთილოეთ სპარსეთის იმ ნაწილ-
 ში, რომელზეც რუსეთის გავლენაა გარკე-
 ლებული, სავსებით აკ. ხოშტარიას ხელშია გად-
 მოსული. განუსაზღვრელია ამ კონცესიათა
 საეკონომიო მნიშვნელობა.

მოაგარაკეთა საზოგადოების წევრთა კრე-
 ბაზე დასასწრებელათ ქუთაისის ქალაქის თეით-
 მართველობის მხრით, დაესწრენ ქალაქის
 მოურავი ი. მ. ჩიქოვანი და საბჭოს ხმოსანი,
 მკურ. დ. ა. ნაზაროვი. პირველმა მათგანმა
 მოხხენება წაიკითხა შემდეგ თემაზე: „წყალ-
 ტუბოს მადნეულ წყაროების მუნიციპალიზა-
 ცია“, ხოლო მეორემ, ბ. ნ. ნაზაროვმა —
 „წყალტუბოს მადნეული წყაროები და მათი
 მნიშვნელობა სახელმწიფოსა და საზოგადოე-
 ბისთვის.“

დომიტრი ყიფიანისეული მამული გორისა
 და შორაპნის მაზრებში, სივრცით 1837 დესე-
 ტინა სახელმწიფო ბანკმა გენერალ გურკოს
 190.000 მან. მიყიდა. ამბობენ, გურკოს
 ზურგს უკან ცნობილი მანთაშევი დგასო.

აკ. მ. ხოშტარიას, ბაქოს დრამ. წრის გამ-
 გეობის თავმჯდომარეს, ცნობილ მრეწველს-
 ქველმოქმედეს, რომელიც სპარსეთში დიდ
 სამრეწველო საქმეებს აწარმოებს, სპარსეთის
 შაჰმა უბოძა ელიმისა და მზე-ლომის პირველი
 ხარისხის ჯილდოები, ლურჯ ლენტზე სატა-
 რებელი.

ცნობილ მწერალს, ია ეკალაძეს გუბერნა-
 ტორმა ნება დართო ქუთაისში გამოცეს ყოველ
 კვირული ნახატებიანი სალიტერატურო ჟურნა-
 ლი „ია“ (ყვავილი).

ერთ ერთ ფრანგულ გაზეთში ფრანგ ამერიკული ასოციაციის დელოგატის დიუპანის წერილია მოთავსებული, ამერიკის დღეინდელ ეკანომიურ მდგომარეობის შესახებ. ომის დაწყებამდე ჩილილო-ამერიკის შეერთებული შტატები წარმოადგენდა ერთ დავალიანებულ სახელმწიფოს. დღეს-კი მან თვისი ვალი სრულიათ დაფარა და, პირ-იქით, ევროპის სახელმწიფოთა კრედიტორათ გარდაიქცა. ომის ხანაში ამერიკის ნაციონალური სიმდიდრე 200 მილიონი ფრანკით გაიზარდა, ბანკებში შემონახული თანხა 35 მილიარდით გადიდდა, ოქროს სათადარიგო თანხა-კი 4 მილიარდით. ამავე დროს, პირველ მოთხოვნილებათა საგნების ფასი საგძნობლათ გადიდდა. ემიგრანტთა რიცხვი შემცირდა, ამიტო მეთათ დიღია მუშა ხელზე მოთხოვნილება. შრომის ხელფასი დღითი-დღე იზღება. ამავე დროს, ამერიკაში დიდი სატრანსპორტო კრიზისია, ფრანტი უფრო გაძვირდა, ვიდრე ევროპაში. უმთავრესათ, მუშაობს სამხედრო ქარხნები, ამზადებენ სამხედრო მასალებს მეომარ სახელმწიფოთათვის. გარდასახადები თანდათან მატულობს. ამერიკა მდიდრდება სამაქრო მასალების დამზადებით. სხვა საქონელი ძალიან მცირე კვადება. ამიტომ, ომის შემდეგ, მოსალოდნელია დიდი სამრეწველო კრიზისი და ეს მით უფრო, რო მეომარი სახელმწიფოები ორ ჯგუფათაა დაყოფილი. თითოული კალიცია თავის ეკონომიურ კავშირს კრავს და ეს გარამოება დიდ საფთხეს უმზადებს ამერიკის მრეწველობას და კრიზისს გაართულებს.

ამისთვისაა ამერიკა თავ-გამოდებით ელტვის ზავს და ამ გზით ის ცთილობს მოაწესრიგოს თვისი ეკანომიური მდგომარეობა.

“მატენ“-ში აღმირალ ფურნიეს წერილი მოუთავსებია, სადაც ამტკიცებს, თუ რამდენათ საშიშია, საბერძნეთი რო გერმანელებს მიეშროს. მაშინ მოპირდაპირეთა წყალქვეშა ნავები მყურო ბინას გაიჩენდენ არქიპელაგსა და პოლში, ხოლო კატარო და დარდანელი ერთმანეთს დაუკავშირდებოდა აესტრისა, საბერძნეთისა, ბულღარეთისა და ოსმალეთის სანაპიროთა წყალობით. ხმელთა შვა ზღვას მტრის გემები

გარემოიცავდენ. ამ სახით, იტალიას ადრიატიკის ზღვაში ჩაკეტავდენ, ინგლისს ეგვიპტესა და ინდოეთისკენ პირდაპირ გზას შეუკრავდენ და საფრანგეთს ახალშენებისგან მოწყვეტდენო.

ამერიკული ჟურნალი “Snentitie American“-ი გადმოგვცემს: შეერთებულ შტატებში დაამზადეს ახალი ჯურის საფრენი, რომელიც ორი სართულისგან შედგება. საფრენის სიგანე 8 საჯენია, სიგძე 6 საჯენი. ქვედა სართული დიდი ნავის მოყვანილობისაა, რომლის წინა ნაწილში მფრინავი და მგზავრები მოთავსდება, ბოლო ნაწილში-კი-მექანიკოსი. ნავში მოთავსდება 11 სული. ამ საფრენს ორი მოტორი აქვს, თითო 100 ცხენის ღონისა. მოძრაობაში მოდის ელექტრონის მანქანით. ზედგვა გამართული პროექტორი და ნიშნის მიმცემი მოწყობილება. იგი სამხედრო საქმეებშიაც გამოადგება.

ამ საფრენ ნავს ზღვაზეც შეუძლია ცურვა. მისი ნავი 18 დღეზე ჩაჯდება წყალში და 30 წამში შეუძლია კვლავ აფრინდეს. ზღვაზე შეუძლია 450 ვერსის გავლა, ხოლო ფრენათ 750 ვერსი, საათში 90 ვერსს გადის. საფრენის ნავი ისეა მოწყობილი, რო ზღვაზე, ყოველ გვარ ამიდის დროს, შეუძლია ცურვა, როგორც დახურულ ავტომობილს.

აზარღები და „აჩიკ-სოზი“

არავისთვის დაფარული არ არი, რო კავკასიაში გონებრივთ ყველაზე უფრო ჩამორჩენილი თურქები არიან. ყველაზეუკეთეს გაარემოება ბაქოს მამადიანთა საქველ-მოქმედო საზოგადოებამ იცის. ცხვირის წინ ამ საზოგადოებას უვიცი, შეუგნებელი თანამომეები ახვევია და იმის მაგიერ, რო მათ გაუხსნას სკოლები, მათში შეიტანოს სინათლე, აპარას წაებოტინა და ქართველ მამადიანებში ხსნის სკოლას.

რატო, რა მოსაზრებით? იმ მოსაზრებით, რო ქართველი მამადიანები მას მიაჩნია თურქებათ.

ბაქოს მამადიანთა საქველ-მოქმედო საზოგადოების ამგვარ შეხედულებას აშკარათ ამჟღავნებს გაზეთი „აჩიკ-სოზი“.

ამ გაზეთში მოთავსებულ წერილს ქართველი პოლიტიკანების შესახებ ერთი ფრიალდიდი ღირსება აქვს: გულახდილობა.

„აჩიკ-სოზისთვისა“, ისე, როგორც ბაქოელ მამადიანთა საქველ-მოქმედო საზოგადოებისთვის, ქართველი მამადიანები არ არსებობენ, — თელი აჭარა დასახლებულია თურქებით.

„აჩიკ-სოზმა“ ორიგინალობა ციკვერ გამოაჩინა და პოლიტიკანობით გატაცებულმა დედააზრი ამგვარი პოლიტიკისა სომხის ბურჟუაზიას მოპარა.

სომხის ბურჟუაზიისთვის ქართველი გრიგორიანები არ არსებობენ, ვინც გრიგორიანია, ის სომეხია.

ამგვარსავე აზრს დადგომია „აჩიკ-სოზიც“. მისთვის მამადიანები — ქართველები არ არსებობენ, — ვინც მამადიანებია, ის თურქებია, მორჩა და გათავდა. სარწმუნოება და ეროვნება „აჩიკ-სოზისთვის“ ცალცალკე არ არსებობენ, — მისთვის სარწმუნოება სავსებით ფარავს ეროვნებას. რა ვუყოთ, რომ უძველეს დროს აჭარაში ქართველები იყვნენ, დღეს აჭარლები მამადიანები არიან და, მაშასადამე, თურქები.

ეს არი პირწავარდნილი აზიური შეხედულება.

თუ „აჩიკ-სოზს“ უნდა თანამომძმეთა შორის სინათლე შეიტანოს, უმაღლეს თვით უნდა გაინათლოს თავი და შეიგნოს ის საანბანო კეშმარიტება, რომ ეროვნება და სარწმუნოება ერთმანეთში ასარევი არ არი და განათლებულ ევროპაში აღარც ურევენ. აჭარა არი საქართველოს ნაწილი, აჭარლები არიან ჩვენი ღვიძლი ძმები — ქართველები.

უძველეს დროში თურქებმა ძალდატანებით, ცეცხლითა და მახვილით შიალღებიეს აჭარლებს მამადის სჯული. მარა განა ეს იმას ნიშნავს, რომ აჭარლები გათურქდნენ? ალბათ, ასე ეგონათ იმ თურქებს, რომელბიც ცეცხლითა და მახვილით ავრცელებდნენ აჭარლებში მამადის სარწმუნოებას.

სამწუხარო მხოლოდ ის არი, რომ დღესაც, თურმე, ასე გონია „აჩიკ-სოზს“ და ბაქოელ მამადიანთა საქველმოქმედო საზოგადოებას...

აზრის წინმსვლელობას, რამდენიმე საუკუნის განმავლობაში, მათთვის უქმათ და უნაყოფოთ ჩაუვლია.

ჩვენი მეგობრებისგან სულ სხვა პასუხს და სულ სხვა კილოს მოველოდით.

მარა ასეთია ჩვენი ხვედრი...

ვინ გაგვიტანა, რომ „აჩიკ-სოზმა“ და ბაქოს მამადიანთა საქველმოქმედო საზოგადოებამ გაგვიტანოს!

ქართველებს სრული უფლება ქონდათ, ეფიქრა, რომ კავკასიის თურქები თავის წინაპართა ცოდვას აღიარებდნენ და იტყოდნენ: ძალმომრეობით მოგგლიჯეთ გულზე თქვენი ძმები — აჭარლები და დღეს თქვენი შეერთება ჩვენც გვახარებს, სინდისს გვიწმენდსო.

ამის მაგიერ, რასა ვხედავთ?

როდესაც აჭარამ თავისი ძმები — ქართლი და იმერეთი იცნო და ხელი გაუწოდა, ბაქოს მამადიანთა საქველმოქმედო საზოგადოება და „აჩიკ-სოზი“ შვაში ეჩხირებიან და თავის წინაპართა ცოდვას იმეორებენ: ცთილობენ, ძმები ერთმანეთს დააშორონ.

ამავე დროს-კი გვარწმუნებენ: თქვენი მეგობრები ვართო...

ღმერთმა დაგვიფაროს, ასეთი მეგობრები სგან.

და, თუ ჩვენი მეგობრობის შუბი აჭარლებზე უნდა გადატყდეს, დაე გადატყდეს!

„აჩიკ-სოზმა“ — კი არა, კავკასიის თელმა თურქობამ უნდა იცოდეს, რომ ქართველი ერისთვის აჭარა გაცილებით უფრო ძვირფასია, ვიდრე ცალიერი სიტყვები მეგობრობისა ქართველი ერი დიდხანია დაშორდა „აჩიკ-სოზის“ აზიურ მსჯელობას და სარწმუნოებასა და ეროვნებას ის ერთი-მეორეში არ ურევს.

არც ერთ შეგნებულ ქართველს აზრათ არ მოსვლია აჭარაში ქრისტიანობის გავრცელება და არც გამოთქმულა პრესაში არაფერი ამის მზგავსი.

ჩვენთვის სულ ერთია, რა სარწმუნოებისა ც იქნებიან აჭარლები.

ჩვენთვის სრულებით საკმარისია, რომ აჭარლები ქართველები არიან.

ქართველი ერისთვის აუცილებლათ სა-
ქიროა, რო თვით აქარლები თავის თავს ქარ-
თველებათ თვლიდნ.

ჩვენ სრულებითაც არ გვინდა ეროვნების სა-
ერთო ნიადაგზე სარწმუნოებრივი ქადაგება და-
ვიწყოთ და აქარლები გავაქრისტეანოთ.

დაე, აქარლებმა იცნონ თავი მხო-
ლოთ ქართველებათ და რწმენის სამთავროში
მამადს გაყვებიან, თუ ქრისტეს, ეს მათი პი-
რადი, მათი სინდისის საქმეა.

„აჩიკ-სოზი“ როდი კმაყოფილდება სარ-
წმუნოებით. აქარლების მამადიანობის ნიადაგზე
დგას, ის მართავს ეროვნულ პროპაგანდას და
კთილობს ქვეყანა დააჯეროს, რომ აქარლები
თურქები არიან.

ეროვნული შეგნება თან-დათან ვრცელ-
დება აქარლებში, ისინი თავის თავს ნელნელა
ქართველებათ აღიარებენ. აქ არი ჩვენი ღიდი
სიხარული, ჩვენი ღიდი დღესასწაული. სამ-
წუხაროთ ჩვენი ღიდი დღესასწაული „აჩიკ-
სოზს“ შევდღეთ გადაქცევია.

მას მოსვენებას უკარგავს ის გარემოება,
რომ აქარლები თავის თავს ქართველებათ თვ-
ლიან.

დიან, „აჩიკ-სოზო“, აქარლები ქართველე-
ბი არიან. და თქვენი წინაპრები ამაოთ
ლამობდნ მათ გათურქებას.

ჩვენ არ ვკთილობთ მათ გაქრისტეანებას,
რათგანც მიზანს ვერ მივალწევთ. ნურც თქვენა
კთილობთ მათ გათურქებას, რათგანც მიზანს
ვერ მივალწევთ.

დაე, აქარლები დარჩენ მამადიანებათ, აქ
ჩვენ არ შეგეცილებით: ეცადეთ, განამტკი-
ცოთ მათში მამადის სჯული.

ხოლო აქარლები იყვენ, არიან და უნდა
დარჩენ ქართველებათ და ყოველის ღონით ვე-
ცთებით, განვამტკიცოთ მათში ქართველობის
თვის-შეგნება.

ყოველივეს, რასაც ჩვენი საზოგადოება
აკეთებს აქარაში, მხოლოთ და მხოლოთ ამ
მიზნით აკეთებს; მას აზრათ არ მოსვლია, ქარ-
თველი მამადიანები მამადიანობას დააშოროს,
ხოლო ყოველივეს, რასაც თურქთა საზოგა-
დოება აკეთებს აქარაში, იმ მიზნით აკეთებს,

რო ჩვენ დიდ ეროვნულ მისწრაფებას წინ გა-
დაელობოს და აქარლები გაათურქოს, აქარა-
ში ნიადაგი არ მოამაგრებოს იმ შეგნებას,
რომ აქარლები ქართველები არიან.

ეს მიზანი რომ არა ქონდეს თურქთა სა-
ზოგადოებას, სხვაფრივ აუხსნელია, რისთვის
დაქირდა მას აქარაში თურქული სკოლები.

თუ თურქთა საზოგადოება გვეთანხმება,
რომ აქარლები ქართველები არიან, აქარაში
ალაგი უნდა ქონდეს მხოლოთ ქართულ სკო-
ლებს, რათგანც ქართველი აქარლები სარწმუ-
ნოებით თურქება არიან, აქარის ქართულ სას-
წავლებელში თურქული ენა საუბრებულთ
უნდა იყოს და უნდა ისწავლებოდეს, როგორც
საგანი.

ჩვენ აქარაში არ ვაწარმოებთ არვითარ
პოლიტიკას, არავის არაჯერს არ ვართმევთ,
მარა არც ის გვინდა, რო სხვამ წაგვართვას.

თურქთა საზოგადოება-კი სწორეთ პოლი-
ტიკას აწარმოებს აქარაში, „აჩიკ-სოზიც“ კვე-
რს უკრავს ამგვარ პოლიტიკას და ჩვენ-კი
გვიკიჟინებს: პოლიტიკანებოო.

კულა ხარი თავისთვის არ იყო და სხვას
ბუზებს უგერებდაო.

ივ. გომართელი.

ქართველების და თურქების ურთიერ- ობა.

იმ კერო მოლაპარაკებისა გამო, რომელიც
ამ დღეებში ქონდათ ქართველებს და თურქე-
ბის წარმომადგენლებს თფილისში, გაზეთს „აჩიკ-
სოზს“ წერენ:

„ამას წინათ გაიმართა თათბირი მამა-
იანათა და ქართველთა წარმომადგენლებისა
იმ გაუგებრობის გამო, რომელიც გამოიწვია
ბაქოს მუსულმანთა და ქართულ საქველმოქმე-
დო საზოგადოებათა საკულტურო საქველმო-
ქმედო მოღვაწეობამ აქარაში. წარმომადგენლები
ასე შეთანხმდნენ: 1) იმ ადგილებში, სადაც
მკვიდრნი ლაპარაკობენ თურქულ-თათრულ
ენაზე და მხოლოთ გვარები შერჩენიათ ქართუ-
ლის დაბოლოვებით, უნდა დაარსდეს სკოლები
თურქულ-თათრული და აქაურ მცხოვრებთან

ქართველ საზოგადოებას არავითარი საქმე არ უნდა ქონდეს. 2) აჭარის იმ ადგილებში, სადაც მცხოვრებლები ლაპარაკობენ ქართულად და თურქულ-თათრულათა, სკოლები უნდა იყოს ორივე ენაზე და ხალხი მიაბარებს შვილს, სადაც სურს. 3) იქ-კი, სადაც ხალხის ენა მხოლოდ ქართულია, არსდება სკოლები ქართული ენით. ხოლო საღმრთო სჯული უნდა ისწავლებოდეს თურქულ-თათრულ, სპარსულ და არაბულ ენებზე. ეს პირობები მიიღეს ორივე მხრის წარმომადგენლებმა და ამით დასრულდა ორს საზოგადოებას მორის ჩამოვარდნილი უთანხმოება.

გაზეთ „აჩიკ-სოხის,, ზემოთ მოტანილი ცნობა სრულებით არ შეეფერება სინამდვილეს (შენ. „სახ. ფ.“).

რო ბაქოელ თურქების გაზეთი მართალს არ ამბობს, ამას მოწმობს, სხვათა შორის, მისი მოკეთე „ზაკ. რეჩ.“-ი, რომელიც ანიშნავს ქართველების და თურქების „შეთანხმებას“ სადავო საკითხების შესახებ და ამბობს: აღიარეს, რომ სამამაღიანო საქართველოს მკვიდრნი ეროვნებით ქართველები არიან, რომელთა სარწმუნოებრივი გმნობა არავისგან ოდნავათ არ უნდა იყოს შელახულიო...

ქრისტიანი ქართველები ოსმალებში.

„სამშობლოს“ № 537 დაბეჭდილია ი. ფალიანის წერილი ზემოხსენებული სათაურით. მელაზგერტში მას უნახავს ერთი ტყვეთ წამოყვანილი კაცი, რომელსაც არც ერთი ენა არა ცოდნია. ბოლოს, ჯარისკაცს გაუგია, ეს კაცი გურჯულად ლაპარაკობსო. ავტორს გახარებია და შემდეგს მოგვითხრობს:

გამოვედით მე და ჩვენი უფროსი მკურნალი გიორგი ნიჯარაძე და ვკითხე: მართლა იცი ქართული? ვიციო მიპასუხა. სად ისწავლე? ალბათ, საქართველოში ყოფილხარ-მეთქი?

---არა, საქართველო სად არის, არ ვიციო. ჩვენ გურჯუბთან ვცხოვრობთ და ყველამ ვიცით ქართულიო.

ამის გაგონებაზე გული საშინლად ამიძგერდა. გიორგი და მე, გაციფრებული ერთმანეთს შევაკვირდით... აღტაცებული ვეკითხები: მითხარი, თუ ძმა ხარ, გურჯები სად, რა ადგილას ცხოვრობენ? შევევარდი კარავში, გამოვარბენიე სკამი, სამგზავრო მაგიდა, რუქა და ვკითხე: იმ ქვეყანაში, საიდანც შენა ხარ, ყველაზე ახლოს რომელი ქალაქია-მეთქი. —

ახლოს ქალაქი არ არი.— მაინც რა ქალაქის სახელი იცი თქვენსკენ-მეთქი? — დიარბეკირი ვიცი, მოსული ვიციო. საჩქაროდ ვნახე დიარბეკირის და მოსულის რაიონების რუქა და დავუწყე გამოკითხვა, თუ რა გზებით იარა, ან რა მდინარეები ჩამოდიან იმ ადგილებზე, სადაც გურჯები და თქვენ ცხოვრობთ-მეთქი. აღმოჩნდა, რომ ის ადგილი, სადაც ქართველები ცხოვრობდნენ, დიარბეკირიდან სამხრეთ დასავლეთით ყოფილა 140 ვერსით დაშორებული. ქართველები შეადგენენ 8 სოფელს, მოსაუბრის აზრით, 12 ათასი სული მაინც იქნებაო. ამ ქართველებს, როგორც მოსაუბრის ლაპარაკიდან ჩანს, შერჩენიათ წმინდა ქართული ენა. ეს არაფერი. საკვირველება ისაა, რომ შერჩენიათ მართლმადიდებელი სარწმუნოება ქონიათ თვისი ეკლესიები. მათ შორის ერთი დიდი, თლილი ქვისგან აშენებული ტაძარი, სადაც იმყოფება უფროსი ღვდელი და ღვთის მსახურება გურჯულ ენაზე წარმოებსო. ჩვენ აისორები ბევრი არა ვართ იქ; სულ ორი პატარა სოფელი გვაქვს და სალოცავათ ქართველის ეკლესიაში დავდივართ. ქართველების ღვდლები გენათლავენ და გემარხვენო. გამოვკითხე სოფლების სახელები; ჩამომითვალა: 1) წუკატი, 2) ნაზრაახული, 3) თუთბა 4) სარჯიკი, 5) ბაზართა, 6) ბერჟიკეთი, 7) ასურბათი და 8) გორჯი. დიდი ეკლესია ყოფილი სოფ. გორჯში. თურქები პირველათ კარგათ იყვენ ჩვენთანო. არც ჩვენ და არც გურჯებს არ გვერჩოდნენო. ამ ორი თვის წინ-მოიტანეს ამბავი, რომ აისორები ხოცვენ თურქებსო. მაშინ დაგვიწყეს ჩვენც ჟღერა. ჩემი ძმა, კოლი, ერთი ქალი და ერთი ვაჟი მოკლესო.

ყველა ამას ავტორი დაძენს: საჭიროა ქართველმა ჯარისკაცებმა მხედველობაში იქონიონ ზემო აწერილი ამბავი. ვინ იცის, ბძოლის პირმა იქნებ მიადწიოს აღნიშნულ ადგილებამდი. ნუ დაივიწყებენ, რომ იქ ჩვენი ძმები ყოფილან. ამბის უფრო დაწვრილებით გაგება და ძმების ნახვა-მოვლა ყოველი ჩვენგანის მოვალეობაა.

ღვპ. აკაკი ჩხენკელის ავითმყოფობის ბამო.

ჰიათურიდან. ცხრა კლიტულში მყოფ კატორღელებამდიც მოაწია მშრომელთა ერთგული ჰირისუფლის ღვპ. აკაკი ჩხენკელის ავ-

ათმყოფობის ამბავმა, რამაც ისეთაც გულდაკოდლებს მოგვემატა მწუხარება.

მარა გვწამს, რომ მალე დაუბრუნდება იგი ხალხის მიერ დაკისრებულ საქმეს და ავითმყოფობაზე არც-კი იფიქრებს. დღევანდელი და მხნეობა, გაბედულო, თავ დადებულო, დაუდალავო აკაკი!

ქ. ორიოლის

მონღობილობით.

პლ. ოხრობეთელი.

რედაქციისგან.

ჟურ. „ცხოვრების“ რედაქცია გულწრფელ მადლობას მოახსენებს სვიმონ მერაბის ძე კვიციანი (ბაქოში), რომელმაც ნივთიერი დახმარება გაუწია მას და ორი თვის სამყოფი ქალაქი გამოუწერა.

ჟურ. „ცხოვრების“

ფონდის სასარგებლოდ მივიღეთ:

- 1) პრაფესორ პარმენ ივანეს-ძე კვიციანისგან — 9 მან.
- 2) კირიონ ეპისკოპოსისგან — — — — 5 „ „

- 3) დიომიდე ალექსანდრეს-ძე თოფურიძისგან — — 5 „ „
 - 4) გრიგოლ მიხაილის-ძე დოლაბერიძისგან — — 5 „ „
 - 5) გიორგი ეპისკოპოსისგან — — — — 4 „ „
 - 6) ქსენოფონტე იოსების-სე ხარაიძისგან — — 4 „ „
 - 7) ვანო როსტომის-ძე ამაშუკისგან — — — 2 „ „
- შემომწირველთ გულწრფელ მადლობას მოახსენებს რედაქცია.

მიხაბადი მაგალითი.

ჩვენთვის სრულიათ უცნობმა პირმა, დიდათ პატივცემულმა, ელიზბარ პეტრეს-ძე კაპარავამ (სოხუმი) თუთხმეტი ახალიხელის მომწერი უშოვა ამ მდგომარეულს ჟურ. „ცხოვრებას“ და 90 მან. გადმოუგზავნა რედაქციას. ასეთი იშვიათი, უანგარო დახმარებისთვის რედაქცია დიდ მადლობას მოახსენებს ამ კარგ ქართველ ადამიანს.

ჟურ. „ცხოვრება“ ერთი წლით გაუწერეს:

- 1) მიხაილ ილარიონის-ძე შივიანმა არგვეთის სამკითხველად,
- 2) ელადიმერ ჯიბოს-ძე წერეთელმა მეჩხეთურის სკოლას და
- 3) ფილიმონ ნიკიფორეს-ძე ვადაქკორიამ ვანის სამკითხველად (გურიაში).

რედაქტორ-გამომცემელი რომანოზ ფანცხავა.

სამეცნიერო-პედაგოგიური და სალიტერატურო ჟურნალი

„განათლება“

(წელიწადი მეათე)

ჟურნალის მიზანია ხელი შეუწყოს ქართულს ოჯახებსა და სკოლებში წესიერათ სწავლა-აღზღის საქმეს, ეროვნულ ნიადაგზე. „განათლება“ აწვდის მკითხველებს წერილებს, როგორც სწავლა-აღზღის შესახებ, აგრეთვე მეცნიერების ყოველგვარ დარგიდან ზუსტად-კაზმულ მწერლობიდან. ჟურნალი გამოავა ჩვეულებრივთ ყოველ თვე; გარდა ზაფხულის ორის თვისა (ივლისი და აგვისტო).

ჟურნალში ჩვეულებრივთ იქნება ცალკე განყოფილება, სადაც დაიბეჭდება ყოველგვარი ცნობები ქ. შ. წერა-კითხვის გამავრცელებელ საზოგადოებისა და მისი განყოფილებათა მოქმედების შესახებ.

ხელის მოწერა მიიღება თფილისში ქართულ გიმნაზიაში, „ნაკადულის“ რედაქციაში, წერა-კითხვის საზოგად. წიგნის მაღაზიაში ვ. ავალიშვილთან, „Новая рѣчь“-ის წიგნის მაღაზიაში, კიკნაძესთან და „განათლების“ კანტორაში, ოლლას ქ. № 6. წლიურათ ჟურნალი გაგზავნით ღირს 5 მან., თფილისში ხელისმომწერთათვის 4 მან., სოფლის სკოლის მასწავლებლებს, სახალხო სამკითხველოებს, საშვალო სკოლის მოწაფეებს, სტუდენტებს, მუშებს ჟურნალი დაეთმობათ 3 მან. 50 კაპ. ცალკე ნუმერი ჟურნალისა ეღირება 50 კაპ. მისამართი: Тифлисъ, Дворянская Грузинская Гимназия, Л. Г. Бонвадзе. რედაქტორ-გამომცემელი ლ. გ. ბოცვაძე.

„სახალხო ფურცელი“

ნახატებიანი დამატებით ღირს წელიწადში 15 მან. ნახევარი წლით 8 მან. სამი თვით 5 მან. წლიური ფასის შემოტანა შეიძლება ნაწილ-ნაწილათ: ხელის მოწერის დროს 7 მან. 1 აპრილისთვის 4 მ. და 1 აგვისტოსთვის 4 მან. კანტორა ხელის მოწერისთვის ღიაა დღის 9 საათიდან ნაშვადღევს 3 საათამდე, საღამოს 5 საათიდან 8 საათამდე. რედაქციის მისამართი: თფილისი, „სახალხო ფურცელის“ რედაქცია, სახალხის ქუჩა, № 6. Тифлисъ, редакция „Сахалхо Пурцели“. Поч. ян. 190.

ნებადართულია სამხედრო ცენზორისგან. სტამბა „ძიობა“ პუშკინის ქ., გოკიელოვის სახ.